

NTSHAMISEKO WA KEREKE

 Lahawani, xana u yi hundzuluxisa—hundzuluxisa ku yini? Ina, ahaa . . . ? . . . [Xivati lexi nga riki na nchumu eka thepi—Muhleri.] U tilulamisela ku yi tima. Kutani, loko, ndzi ta koweta nhloko ya mina ka wena, kukotisa *sweswo*. Wa vona? Wa vona? Mina, ku koweta nhloko ya mina ka wena. Wena . . . [Un'wana a ku, "Xana u lava leswaku ndzi swi endla nkarhi muni?" Un'wana a ku, "U te, 'Yi pfuleli.'"]

Vamakwerhu, hi vitanile nhlengeletano leyi kun'we lahawani vusiku lebyi hi xikongomelo xa ku tiva hilaha Kereke ya Xikwembu lexi hanyaka yi fambisiwaka hakona, leswi, hi pfumelaka kuva swi ri xiphemu xa Kereke leyi.

² Ndzi lava ku, nchumu wo sungula, ndzi lava ku vula leswaku eku endzeni ka mina ku rhendzeleka na misava, hilaha ndzi tivaka hakona, leyi hi yin'wana ya tindhawu ta ximoya laha u twaka Moya wa Xikwembu ku tlula ndhawu yin'wana na yin'wana leyi ndzi yi tivaka. A ndzi ri na tindhawu tin'wana timbirhi leti khale a ti ri tano, kambe ku fikela sweswi a hi—a hi tikombi hi ti vona tindhawu teto; yin'we ya tona yi yile eka vandla, kutani leyin'wana yi—yi tani hi loko yi wile.

³ Swingaleswi ndzi vitaniwile tolo kutani ndzi—ndzi byeriwile leswaku hinkwenu a mi lava nhlengeletano kuva mi ta ndzi yutisa swivutiso leswi khumbhanaka na mintirho ya n'wina ekerekeni leyi, nakona ndzi . . . sweswo hi leswi ndzi nga tela swona lahawani vusiku lebyi, i . . . na ku—ku tshamisekissa kereke, kumbe ku mi nyika swilo leswi ndzi ehleketa leswaku sweswo—sweswo hi leswi swi nga swa nkoka lowukulu ku endla leswaku kereke leyi yi ya emahlweni.

⁴ Vamakwerhu, ndza tshembha leswaku ma swi lemuka sweswo, tani hilaha ndzi nga endla xitsundzuxo lexi mayelana na kuva leyi yi ri ndhawu ya swa ximoya. A hi ndhawu leyikulu ku tlurisa emisaveni, na swona a hi leswi hi nga na vuyimbeleri byo tlurisa, ku kalakala ko tlurisa, na ku huwelela ko tlurisa, kumbe ku vulavula hi tindzimi ko tlurisa, na swin'wana, sweswo a hi swona, kambe i nkoka wa Moya lowu wu tirhaka lahawani eka tabernakele leyi. Kutani, ku fika sweswi, ndzi lava ku ndhundhuzela na ku khensa Makwerhu Neville, na—na n'wina vamakwerhu lahawani, mathirasti, na madiyakoni, na mulanguteri wa xikolo xa Sonto, na hinkwavo, eka—eka leswi mi nga swi endla hi ku pfuneta ku hlayisa leswi hi ndlela leyi. Ku vile xikhongelo xa mina xo leha, na ku navela ku sukela ndza ha ri jaha, ku vona kereke yi vekiwa hi ntshamiseko na ku hlayisiwa eka ntshamiseko.

⁵ Sweswi, loko hi katekisa kereke, ndzi mi byerile, "Endzhaku nyana ndzi na swin'wana swo vulavula hi swona na n'wina," hilaha hi nga ta veka nchumu lowu hi ntshamiseko, hi ndlela leyi wu faneleke ku fambisisiwa xiswona. Kutani mi sungurile... endzhaku ko suka lahwani, hi vile na tiministara na swin'wana. Kambe sweswi, Makwerhu Neville kuva ntsena a ri lontsongo exikarhi ka hina, u tile exikarhi ka hina, ndzi ehleketele leswaku swi ta antswa kuva Makwerhu Neville a tiveka ku antswa eRipfumelweni loko ndzi nga se tisa swilo swo tani hi leswi ndzi lavaka ku swi endla sweswi. Kambe sweswi, endzhaku ka loku ndzi swi kumile leswaku u le ku tivekeni ku antswa eRipfumelweni, na ku twisia leswi Dyondzo ya kereke yi nga xiswona, nakona—nakona u tlangile xiave xa mbhoni yo tshembheka eka Kreste na ku khomelela eka leswi hi pfumelaka kuva swi ri Ntiyiso, ndzi ehleketa leswaku i awara sweswi, ku ngava nkarhi wa kahle, ku n'wi tshinelela eka...na le xikarhi ka n'wina vakulukumba na swin'wana kwala kerekene, leswaku mi ta teka mintshamiseko leyi na ku yi tsundzuka, hi yona vutivi bya mina byo antswa emahlweni ka Xikwembu. Kutani ndzi languterile eka n'wina kuva mi hundzisa swilo leswi hi ndlela leyi ndzi swi vulaka hakona, hikuva un'wana u fanele kuva nhloko lahwani. Mi fanele kuva na....

⁶ Sweswi, a ndzi ringeti ku vutla matimba kumbe swin'wana swo tani hi sweswo, kambe, ma swi vona, wanuna kumbe xin'wana na xin'wana lexi nga na tinhloko timbirhi eka xona, a xi—xi swi tivi leswaku ku fambisiwa ku yini. Xikwembu a xi se tshama xi va na tinhloko timbirhi eKerekene ya Xona, a Xi se tshama xi swi endla, i nhloko yin'we. Xi tirhisile xisweswo eka nguva yin'wana na yin'wana tani hilaha hi nga swi hlaya eMatsalweni, ku tshama kuri na munhu un'we loyi Xi tirhaka hi yena. Hikuva loko mi kuma vanhu vambirhi, mi kuma mavonelo mambirhi. Nakona swi fanele ku fika eka ku hetiseka kun'we ka makumu, na swona ku hetiseka ka mina i Rito, Bibele. Kutani tani hi mufundhisi kwala kerekene, ku hetiseka ka mina i Rito, nakona ndzi lava.... Ndza mi tiva n'wina, vaboti va hina, mi ndzi languta tani hi loko ndzi ri ku hetiseka ka n'wina eka leswi... ntsena loko ndzi landzelela Xikwembu tani hilaha Paul a nga swi vula eMatsalweni, "Mi va vaencyeti va mina, kukotisa leswi mina ndzi encenyetaka Kreste."

⁷ Kutani ndzi ta langutela eka n'wina vamakwerhu, nkarhi wun'wana na wun'wana lowu mi ndzi vonaka ndzi ya ekule na Matsalwa lawa, kuva mi ta ka mina exihundleni kutani mi ndzi byela laha ndzi hoxisaka kona. A ndzi na mhaka na loko u ri un'wana wa mathirasti kumbe e...kumbe loko u ri mulanguteri, hambi u ngava mani, u bohiwa hi ntirho eka mina, tani hi boti eka Kreste, ku ndzi byela loko ndzi hoxisa hi Matsalwa. Loko kuri na xivutiso, a hi tshameni ehansi kutani hi xi lulamisa, swin'we.

⁸ Nakona hi xona xivangelo xova mi tile, ndza tshembha, eka mina vusiku lebyi, kuva mi ndzi tisile lahawani, hikokwalaho kova kuri na swivutiso lahawani leswi swi tikombaka swi ri karhi swi mi vutisa emiehlekeweni ya n'wina eka swilo leswi ndzi nga na—na swona lahawani. Sweswi tsundzukani, vamakwerhu, a ndzi swi tivi...a kuna mavito lawa ya nga tsariwa eka rin'wana na rin'wana ra mathikithi lawa, kambe... nakona swi tsariwile, na swona ndzi ngaka...a ndzi swi tivi leswaku swi tsariwile hi mani, kambe i swivutiso leswi nga emiehlekeweni ya n'wina, na swona ndzi kona kuva ndzi swi hlamlua hi vutivi bya mina byo tlurisa.

⁹ Kutani tsundzukani, Xikwembu xi languterile eka mina ku vona leswaku ndzi tshama eRitweni. Nakona mina ndzi languterile eka n'wina ku vona leswaku mi hundzisa Rito, wa vona, wa vona, ekerekeni leyi. Nakona mi ri hlayisa ri va ra ximoya, hikuva, tsundzukani, matimba hinkwawo ya—ya mfumo wa munyama wa Sathana ya hundzuluxeriwa ku lwisana na n'wina loko mi ri karhi mi sungula ku kula eHosini. Na swona mi fanele kuva masocha, ku ngari ntsena vathoriwa lavantshwa. Mi masocha ya khale sweswi, na swona mi leteriwile ku lwa. Nakona Sathana u ta ta exikarhi ka n'wina, a endla leswaku mi phikizana hi xin'wina loko a nga swi kota. N'wi aleleni xikan'we-kan'we; n'wina mi vamakwerhu; nakona yena i nala. Na swona hi laha kuva hi khoma xiyimo eka ku Vonakala loku ka ni madyambu, loku, loko misava yi zwihiarile na loko mfumo hinkwawo wa kereke wu ri karhi wuya eka Huvo ya Tikereke. Na swona ku ngari khale va ta ringeta ku belela sayini enyangweni lahawani, “Ku pfariwile!” Kutani hi ta fanelia ku hlangana etindhawini tin'wana, hikuva hakunene va ta pfala tikereke leti siku rin'wana loko hi nga wu teki mfungho wa xivandzana. Nakona hi tshembhele eka ku tshama hi ri va ntiyiso eka Xikwembu kukondza rifu ri hi ntshuxa, na swona sweswo hi leswi hi lavaka ku swi endla.

¹⁰ Sweswi ku kongoma eka...Kutani ndzi ta kombela, leswaku loko kuri na nkarhi lowu xin'wana na xin'wana xa swilo leswi xi vaka xivutiso, leswaku thepi leyi yi nga tlangiwa emahlweni ka swirho swa kereke leyi, wa vona, atinhlengeletanweni ta n'wina, kumbe ku nga seva na nhlengeletano, ntsena loko nhlengeletano yi nga se sungula. Pfulelani thepi leyi kutani mi yi tlanga! Na swona ingaku nhlengeletano lahawani yi nga twisia leswaku vavanuna lava va bohiwa hi ntirho eka Xikwembu, tani hi ku hlambanya ka vona ekerekeni leyi, ku pfuneta ku khomelela milawu leyi. Mi nga ha hambana na vona; na swona loko ndzi mi pfumelela ku yi tlangisa, kutani ndzi ta hambana na n'wina. Hi fanele kuva na xihlovo kun'wana laha ku faneleke kuva na ku hetiseka. Nakona ndlela yo tlurisa leyi ndzi yi tivaka, ndzi yi nyika ehansi ka Moya lowo Kwetsima, ndzi Wu pfumelela kuva ku Hetiseka

ka mina. Kutani pfumelelani thepi leyi kuva ku hetiseka ka n'wina eka swivutiso leswi.

Sweswi, xo sungula i ku:

- 220. Xana kereke yi fanele ku endlisa ku yini mayelana na mpfuneto wa swa timali wa...eka swakudya na swiambalo? Xana i—xana i nawu muni, xana—xana kereke yi fanele ku endla yini?**

¹¹ Sweswi hi lemuka leswaku kereke yi na vutihlamuleri eka va yona n'winyi, eka swirho swa hina kwala kerekene, hi na vutihlamuleri hi ku hetiseka kukotisa hilaha hi nga na swilaveko swo va phakela hi swona. Hi na vutihlamuleri eka va hina vinyi, lava va nga, vo tshembheka, swirho swa nkarhi hinkwawo swa tabernakele leswi swi taka lahwani na ku gandzela na hina. Hi bohiwa hi ntirho eka vona, tani hi vaboti na vasesi va hina lava va nga khorwisa kuva swirho swa hina swa nhlengeletano leyi.

¹² Sweswi, hi lemuka leswaku kuna mamiliyoni vusiku lebyi lawa ya pfumalaka swakudya, lawa ya pfumalaka swiambalo, na swona hi nga tsakela ku pfuna ntlawa hinkwawo wa vona, ku endla hinkwaswo leswi hi nga swi kotaka; kambe hi tlhelo ra swa timali hi ngaka hi nga swi koti sweswo, hi ngaka hi nga swi koti ku singilela misava hinkwayo. Kambe hi bohiwa hi ntirho eka va hina vinyi. Nakona ndza ehleketa, eka sweswo, kutani loko hi ri na xin'wana na xin'wana lexi nga vaka maselelwa lexi mi lavaka ku xinyikela eka vanhu lava va nga riki swirho swa kereke leyi, nchumu wo karhi lowu mi lava ku va nyika wona, wu fanele ku hlanganeriwa exikarhi ka bodo ya madiyakoni.

¹³ Madiyakoni hi vona lava—lava va faneleke ku vonana na vulwisani lebyi, kumbe xiphijo lexi, swa antswa; hikokwalaho loko eBibeleni nkanetano wu vile kona mayelana na swakudya na swiambalo, na swin'wana, eka Buku ya Mintirho, va vitanile vaapostola hi mayelana na swona, kutani va ku, "Fambani mi ya tihiawulela vavanuna va ntlhanu na vambirhi lava va dzuniwaka, lava va taleke Moya lowo Kwetsima leswaku va ta langutana na swilo leswi. Hikuva hi ri hina hi ta tshama hi tinyiketela eRitweni ra Xikwembu na le xikhongelweni."

¹⁴ Nakona a hi ntirho wa mufundhisi ku langutana na... na swakudya na swin'wana. Sweswo swi fanele ku endlifa hi madiyakoni. A hi mathirasti, i swa hofisi ya madiyakoni ku endla leswi. Kutani leswi swi fanele kuva... Tsundzukani eBibeleni, a va nyikelela va ka vona vinyi, Magiriki na e—na e Mayuda, laha ku kanetana ku ngava kona leswaku un'wana a kuma swotala nyana ku tlula loyi un'wana, kambe a kuri vanhu lava va nga xavisa tinhundzu ta vona hinkwato nakona a va tinyikerile eka mpfuneto wa kereke, kutani kuva—kuva ti aviwa exikarhi ka vona hi ku ringana. Kutani ku vile na ku lwisana nyana loku ku ngava kona, nakona hi kona laha hi ngava na midiyakoni ya hina

yo sungula. Na swona yaleyo hi yin'wana ya mintirho ya vona, i ku endla sweswo.

¹⁵ Ndzi ehleketa leswaku, tani hi va hina vinyi, tani hi vanhu va hina vinyi, hi fanele ku va hlayisa. Nakona xi fanele ku tisiwa, xivilelo xin'wana na xin'wana, eka mutshama xitulu wa bodo ya madiyakoni, kutani xi fanele ku hlanganeriwa hi bodo ya madiyakoni kutani va vona leswi va nga kotaka ku swi endla mayelana na xona. Kutani hinkwaswo swilo leswiya swi nga swa swiambalo, na swakudya, na mpfuneto wa swa timali, kumbe hambi ku ngava yini, swi fanele ku hundza hi le ka madiyakoni. Kutani madiyakoni, loko va kunguhata leswaku va—leswaku va... leswi va nga ta swi endla mayelana na swona, kutani swi fanele ku yisiwa eka e—e mukhomi wa nk mama, ku vona loko mukhomi wa nk mama a swi kota hi nkarhi lowu ku hakela ntsengo lowu wo karhi wa swa timali, kumbe—kumbe ku xava swiambalo leswi, kumbe hambi ku ngava yini eka sweswo. Kambe e—e bodo ya madiyakoni yi fanele ku hlangana eka sweswo, na swona a swi yi eka mathirasti kumbe eka mufundhisi. Inchumu wa madiyakoni, hinkwaswo-nkwaswo.

Sweswi, kutani, xivutiso xa nomboro ya vumbirhi.

221. Xana swi fanerile ku vula erivaleni ku suka ephuluphitini leswaku tindzimi na ku hlamusela swi fanele ku endliwa enhleneletanwini ku nga se sungula ntirho-ke?

Xexo i xivutiso xa vumbirhi eka xilipi lexi xa phepha leri ndzi nga na rona lahawani, lexi nga xikhadani.

¹⁶ Sweswi, leswi swi tava swi kongomanile na mufundhisi lahawani, wa vona. Hikuva yena—yena, endzhaku ka hinkwaswo, ehenhleni ka xiphemu xa swa ximoya, hi yena nhloko ya sweswo. Madiyakoni i maphorisa ya kereke, ku hlayisa ntshamiseko na ku tlhogomela swilo leswi, na ku phamela swisiwana, na swin'wana. Mathirasti ya le henhleni ka swa timali na muako; sweswo hi leswi va faneleke ku langutana na swona. Kambe mufundhisi u le henhleni ka—ka ku languteriwa ka xiphemu xa swa ximoya, nakona leswi swi taya ka wena, Makwerhu Neville.

¹⁷ Sweswi, lahaya... nkarhi wun'wana lowu nga hundza loko ntshamiseko wu tava wu vekiwile, kereke. Ndza pfumela eka ku vulavula hi tindzimi, na ku hlamuseriwa, na hinkwato tinyiko ta ximoya ta kahle leti nga vekiwa hi Xikwembu kuva ti va ekerekenei. Kambe hi hanya eka siku leri ntsena ri fanaka na hilaha a swi ri hakona hi nkarhi wa le Bibeleni, laha tikereke.... Sweswi, mi xiyisisa Paul, u sungurile kereke ya le Efesa, kereke ya Efesa, ley a yi ri kereke ley a yi tiveka kahle. Xana mi kale mi swi lemuka? Hi pfumela leswaku Paul, nakona u urile tano hi yexe, leswaku u vulavurile hi tindzimi totala, na swona ha swi tiva leswaku a ri na tinyiko ta tindzimi. Ku ngari leti a nga ti dyondza, kambe leti a nga nyikiwa tona hi ximoya, hikuva hilaha

a vulavulaka hi tona eka Vakorinto lahaya. Kutani ku hlayisa nkarhi, ntsena a ndzo va ku pfuleni ka Bibele ivi ndzi mi hlayela yona, hikuva swi nga endla ku tshama ka hina—hina lahawani ku leha vusiku lebyi, tani hi leswi ndzi nga riki na nkarhi wo tala ngopfu. Kutani sweswi... kambe ntsena leswaku mi ta vonela erivaleni.

¹⁸ Sweswi, Paul a nga kalanga na nkarhi na wun'we a fanelia ku vulavula na kereke ya Efesa kumbe kereke ya Rhoma, kumbe yin'wana na yin'wana ya tikereke letin'wana, mayelana na tinyiko ta tona ta ximoya, mayelana na hilaha ti faneleke ku vekiwa eka ntshamiseko. Kambe a boheka ku vulavula na Vakorinto hi masiku mayelana na wona, hikuva va wu endlile mhaka leyikulu nkarhi hinkwawo. Kutani Paul u virile, loko a tile exikarhi ka bona, leswaku loko va kuma leswaku un'wana u na tindzimi na swona un'wana u na pisalema, kutani a khensa Hosi hikokwalaho ka tinyiko ta bona hinkwato ta kahle na swilo swo kotisa sweswo. Kutani loko mi nga xiyisisa eka ku avanyisa ka vumbirhi ka Vakorinto, Paul a ri karhi a va byela, hi xiyimo, leswi a va ri xiswona eka Kreste, hilaha a... a va ri xiswona hi xiyimo eka Kreste.

¹⁹ Kutani endzhaku ka loko a va byerile, kutani kukotisa tatana u sungurile ku kapeka nkharisa ehenhleni ka bona, kutani a ku, "Ndzi twa leswaku kuna ku kanetana exikarhi ka n'wina, nakona ndzi twa leswaku ma pyopyiwa etafuleni ra Hosi." A nga va susanga vukreste; na n'wina vamakwerhu mi nga swi endlili sweswo, ku va susa vukreste, kambe i ndlela leyi va tikhomaka hakona endlwini ya Xikwembu. Kwalano hi laha swi nga kona.

²⁰ Sweswi, ndzi nga vula leswi, leswaku tani hilaha Paul wa khale a nga vula hakona, leswaku, "Loko mi hlangana kun'we, kungaku loko un'wana a vulavula, un'wana a hlamuseli. Loko ku ngari na muhlamuseri, kutani timiyeleli. Kambe loko muhlamuseri a ri kona..."

²¹ Sweswi, ndzi langutisile kereke lahawani, na swona ndzi mi vonile mi ri karhi mi kula, na swona ndzi vonile tinyiko totala ta ximoya ti ri karhi ti tirha exikarhi ka n'wina. Entiyisweni, xin'wana a ndzi fanele kuya ka Makwerhu Neville na Rito ro suka eka Hosi mayelana na swona, ku n'wi lulamisa eka nchumu wun'wana lowu a ri ku wu endleni.

²² Kutani loko ndzi... loko Hosi yi ri na... Moya lowo Kwetsima wu ndzi endlile mulanguteri wa Ntlhambi, kutani i ntirho wa mina ku mi byela Ntiyiso. Nakona ndzi khensa swinene hikokwalaho ka Makwerhu Neville, u xiyisisile Ntiyiso. Ndzi nga Wu vula ntsena tani hilaha Wu ndzi byelaka hakona.

²³ Sweswi, eka leswi, tani hilaha ndzi nga xiyisisa kereke ya n'wina loko yi ri karhi yi kula, na swona ndzi swi lemukile. Kutani ekerekeni, hi leyi ndlela leyi a hi swi endlisa xiswona ku

sungula, nakona leyi i ndlela leyi hi—hi swi lavisaka xiswona nakambe.

²⁴ Sweswi, loko mi nga langutisi, loko vana... Nchumu wo sungula lowu n'wana a wu endlaka i ku ringeta ku vulavula loko a nga se kota ku vulavula. Wa vona? U phyaphyarah-phyaphyarah kotala, na ku ba huwa, na—na swin'wana, kambe u ehleketa leswaku ntsena u... a nga vulavula ku tlula muchumayeri hi nkarhi walowo. Hi swona, ha swi kuma sweswo ku ngari eka vutomi bya ntumbuluko ntsena, kambe ha swi kuma sweswo na le ka vutomi bya ximoya na byonavu. Hi lontsongo *nyana*. Kutani loko u ringeta ku lulamisa n'wana yaloye na ku n'wi cambuta nyana hikuva a ri karhi a ku "tatata" na ku ringeta ku vulavula, u ta onha n'wana. Wa vona, nakona u ta n'wi vavisa. Kutani swa antswa ku tlurisa ku tshika n'wana yaloye a kula nyana kukondza a kota ku vulavula marito ya yena kahle, kutani u n'wi byela leswaku *rini*. "Ku ngari loko papa a ri eku vulavuleni kumbe loko mhani a ri eku vulavuleni." Kambe hi nkarhi lowu nga fanela, n'wi tshike a va na xo xi vula. Xana ma ndzi twisisa-ke? Sweswi, n'wi tshikeni a vulavula loko nkarhi wa yena wo vulavula wu fika.

²⁵ Sweswi, loko ndzi tshame ndzi va na nchumu lowu ngava mutwa enyameni ya mina, ehandle enhlengeletanweni, i munhu loyi a yimaka loko ndzi ri karhi ndzi vulavula ivi a nyika hungu hi tindzimi kutani a tshova Moya. Ndza ha ku huma enhlengeletanweni eNew York na tindhawu to hambana-hambana laha tiministara ti pfumelakwa sweswo swi ya emahlweni, nkarhi na karhi, nakona a hi nchumu handle-handle ka mpfilu-mpfilu. Wa vona, loko Xikwembu xi ri karhi xi tirha eka ntìla wo karhi wa mianakanyo, Xi . . . a swi tava—a swi ta . . . A xi tava xi ri karhi xi hlula xikongomelo xa Xona N'winyi, loko Xi ri karhi xi ringeta ku kuma ntìla wa mianakanyo eka n'wina, eka nhlengeletano, ku endla ku vitanela e alitareni ivi swin'wana swi nghenelela.

²⁶ Xikombiso, kukotisa leswi. Hi tshamile etafuleni, hi ri karhi hi vulavula, na swona hi vulavula mayelana na Hosi. Kutani wa ndzisanyana a tsutsumela etafuleni, hi xihatla, a teka rinoko hinkwaro ku suka eka leswi a hi ri ku swi endleni, na swona a ri karhi, a huwelela, a ba huwa, "Papa! Mhani! Mina! Mina! Ndza ha ku howisa nkutlunya lowukulu exipanwini! Nakona hi le ku endleni ka hinkwaswo *leswi, sweswo, na leswin'wana!*" Na loko hi ri eka dyondzo yo kwetsima ya xiviri. Sweswi, kuva yena a howisile nkutlunya lowukulu, sweswo swi kahle; entlangwini wa baseball, sweswo swi lulamile. Kambe u le handle ka ntshamiseko loko a nghenelela eka hungu leri a hi vulavula hi rona. A yime kukondza nkarhi wa yena wu fika kutani a hi byela leswi a nga swi endla entlangwini wa baseball.

²⁷ Sweswi, walowo i nchumu wun'we na lowu hi wu kumaka hi tinyiko ta ximoya namuntlha. Xexo hi xona xivangelo xova

Xikwembu xi nga tshembhi tinyiko ta ximoya totala na vanhu, a va swi koti ku ti lawula. Xexo hi xona xiphijo namuntlha, xivangelo xova hi ngari na swo tala ku tlula leswi hi nga na swona.

²⁸ Nakona hi kuma leswaku kuna vuencenyeti byotala bya tinyiko ta ximoya. Kambe a ndzi pfumeli leswaku swi *tano* laha kerekene ya hina. Ndza khensa hikokwalaho ka sweswo. A ndzi pfumeli leswaku i vuencenyeti na swintsongo. Ndzi pfumela leswaku hi na tinyiko ta xiviri, kambe hi fanele ku tiva hilaha tinyiko teto ti lawuriwaka hakona.

²⁹ Kutani loko u ya eku endleni ka nchumu wun'wana wa kahle... Ntsena tani hi loko u ri karhi u tirhela muthori na swona u sungurile ntirho wa wena wo sungula na swona u tiyimiserile ku teka swileriso, kutani muthori u na ntshembho eka wena na swona u ta tshamela ro ku tlakusa kuya eka hofisi yale henhla nkarhi hinkwawo.

³⁰ Sweswi, ndzi pfumela leswaku nkarhi wu bile Tabernakele ya Branham, ku tiva leswi... ku teka tinyiko leti Xikwembu xi hi nyikaka tona, leswaku Xikwembu xi nga hi tshembha hi nchumu lowu nga wukulu ku tlula na leswi hi nga na swona. Kambe hi ngaka hi nga fambi swin'we... ivi mi vona wanuna loyi a fanelaka ku tshamela ku byeriwa na hinkwaswo. Nakona tsundzukani, "Moya wa vaprofeta wu fumiwa hi muprofeta," ku vula Matsalwa. Kungaku loko mi vona wanuna loyi mi fanelaka ku n'wi lulamisa, kumbe wansati, na swona munhu yaloye a huma endleleni, kutani mi ri karhi mi n'wi byela Ntiyiso wa Matsalwa, kutani swi kombisa leswaku moya lowu nga ka yena a hi wa Xikwembu. Hikuva Bibele yi te, "Moya wa vaprofeta," kumbe, "ku profeta," leswi swi nga, ku nyika vumbhoni, ku chumayela, ku vulavula hi tindzimi, kumbe hambi ku ngava yini, hikuva tindzimi leti ti nga hlamuseriwa i vuprofeta. Swingaleswi wu fumiwa hi muprofeta, nakona Rito i muprofeta. Swingaleswi hi—hi vona leswaku swi humile endleleni kuva wanuna kumbe wansati a tlulela ehenhla kutani a nyika hungu, swi ngari na mhaka leswaku va lava ku swi endla ku fika kwihi, loko muchumayeri a ri ephuluphitini.

³¹ Sweswi ndzi ringanyeta leswi eka Tabernakele ya Branham, leswaku kuva tindzimi ta hina—hina leti hi ti kumaka... Na swona hi na vanhu van'wana va kahle swinene lava va nyikiweke lahawani. Sweswi, yin'wana na yin'wana ya tinyiko teto i ministri ya yona hi yoxe. I tinyiko, ntsena tani hi leswi ku chumayela ku nga nyiko, tani hi leswi ku horisa ku nga nyiko, tani hi leswin'wana swi nga tinyiko, leti i tinyiko, i tiministri ta tona hi toxé. Nakona munhu un'wana na un'wana u lerisiwa ku yima eka ministri wa yena n'winyi.

³² Hikokwalaho pfumelelani Tabernakele ya Branham yi tirha kukotisa leswi, na swona esikwini, ngopfu-ngopfu siku leri loko

hi vile na swonghasi (a ndzi lavi ku swi vula leswi, kambe), ku pfumela ko tiendlisa swonghasi. A hi ku lavi ku pfumela ko tiendlisa. A kuna munhu, a kuna munhu wo tshembheka loyi a lavaka kuva na ku pfumela ko tiendlisa. Hi... Loko hi nga... hi ngavi na swa xiviri, hi nga kali hi vile na nchumu na swintsongo, a hi yimeni kukondza hi va lava nga va xiviri. Sweswi, ndza pfumela leswaku n'wina—n'wina vavanuna mi nga pfumelelana na sweswo. A hi lavi nchumu xa ku pfumela ko tiendlisa. Vamakwerhu, hi ngaka hi nga sunguli eka nchumu wun'wana wa ripfumelo ro tiendlisa ivi hi suka emisaveni leyi. Hi fanele kuva na leswi nga swa xiviri, na leswi nga ntiyiso. Loko hi ngari na swona, a hi yimeni kukondza hi swi kuma, kutani va vula swin'wana mayelana na swona. Wa vona?

³³ Sweswi, ndzi nga ku, vavanuna lava na vavasati lava hinkwavo lava va vulavulaka hi tindzimi, na ku profeta, na ku nyika mahungu... Nakona ndzi—ndzi le ku pfumeleni na n'wina vavanuna leswaku i swa xiviri. Sweswi, Bibele yi te, "Ringani swilo hinkwaswo; mi tiyisela eka leswo saseka." "Hikuva Ndzi ta vulavula na vanhu lava hi milomo ya manghanghamela na tindzimi timbe, loku hi kona ku wisa loku Ndzi nga vula leswaku va fanele ku nghena kona," le Bukwini ya Esaya.

³⁴ Sweswi, ndzi ta ringanyeta leswi leswaku xivandla xo kwetsima xi ta ministariwa hi nyiko yin'we ntsena hi nkarhi, hikuva swi hi tlherisela eka ntshamiseko nakambe wa leswi ndzi nga eku ringetenet ka ku swi vula: kungaku loko un'wana a vulavula, pfumelelani moya wa muprofeta wu fumiwa hi muprofeta. Xana ma swi twisia-ke? Sweswi, lava va nga na ministri eka Miri wa Kreste... Kutani sweswi swi vuriwile, sweswi a swi endliwe. Lava va nga na ministri eka Miri wa Kreste va yima eka ministri wa vona, hikuva i ministri wa Kreste eka kereke. Kambe mi ngaka mi nga ministri hinkwenu hi nkarhi wun'we, ku fanele kuva na un'we hi nkarhi.

³⁵ Tabernakele ya Branham yi tava tani hi leswi. Lava va vulavulaka hi tindzimi, na lava va hlamuselaka tindzimi, na lava va nga na vuprofeta lebyi nga fanele ku nyikiwa kereke, a va hlangani kun'we ka hari nkarhi ni... nhlengeletano yi nga se sungula, a va hlengeletani ekamareni leyi nga vekiwa, kutani va yimela ministri wa Hosi.

³⁶ Tani hilaha mufundhis a faneleke ku swi endla yena hi yexe loko a nga se ta eka vayingiseri; u fanale ku teka Bibele ya yena, a hlaya eku miyeleni ka kamara ya yena, a ri eMoyeni, na ku totiwa kuva a humela ehandle emahlweni ka vayingiseri kuya vulavula. Loko a nga swi endli, u ta pfilunganyeka loko a humela le handle. (Wanuna un'wana na un'wana na wansati un'wana na un'wana, loyi a nga na nyiko ya ximoya, a ya emahlweni ka Hosi.) Na swona kuva mufundhis a ri na ministri wun'we, hi yena muprofeta; rito ra Xitsonga, *muchumayeri*, swi vula "muprofeta," loyi a nga muvhumbhi wa Rito.

³⁷ Lava va nga na tiministri leti ti faneleke kuva xiphemu xa munhu un'wana, tani hi loyi a vulavulaka hi tindzimi kutani un'wana a hlamusela, va yima *kun'we* eka ministri wa vona. Va ngaka va nga tshami ekamareni ya le xihundleni kutani a vulavula hi tindzimi kutani a ta a ta byela loyi un'wana leswi a nga swi vula, hikuva u tava a ri na havumbirhi ka tindzimi na nhlamuselo. Wa vona? Sweswi, loko a ri na sweswo, swi kahle swinene, hi lava ku swi amukerisa xisweswo. Nakona hi lava leswaku kereke yi vuyeriwa hi tinyiko leti ti nga ekerekeni ya hina. Xikwembu xi va rhumerile eka hina, na swona i... hi lava leswaku kereke ya hina yi vuyeriwa hi tinyiko leti ta ximoya. Swingaleswi munhu loyi a vulavulaka hi tindzimi, na loyi a hlamuselaka, na loyi a profetaka, a va hlangani *kun'we* loko e—e kereke yi nga se hlangana. A va hlangani ekamareni hi xivona, va yimela ministri wa Hosi eka kereke. Xana swa twisisiwa-ke?

³⁸ Kutani, tani hi leswi, loko Makwerhu Neville, a hi nge, hi swona, sweswi ndzi pfumeleleni, ndzi khomeleni, ndzi pfumelelani ku vula leswi: Loko Makwerhu Collins a vulavula hi tindzimi kutani Makwerhu Hickerson a nyika nhlamuselo, kutani va na ministri *swin'we* eka kereke. Sweswi, walowo a hi ministri wa Makwerhu Neville; walowo i ministri wa *n'wina* eka kereke. Ndzi nyika leswi tani hi xikombiso. Kutani *n'wina* vamakwerhu mi fanele kuva na ku tsakela ko kuma tiministri ta *n'wina* ematshan'wini ya tona endlwini ya Xikwembu tani hilaha mufundhisi a tsakelaka ku kuma ya yena, hikuva na swona swi na nkoka kuva mi swi endla. Kambe u ngaka u nga swi endli exihundleni xa kamara ya wena *n'winyi*, loko *mi* vulavula na kuva *mi* hlamusela, mi fanele ku hlangana *kun'we*. Sweswi, hlanganan kun'we ekerekeni, ekamareni ya le tlheloi mi ri *n'wexe*, hikuva mi na ministri wa le xihundleni. A hi ministri wa le rivaleni, hi lowu wu nga wo pfuna kereke. Wa vona? I nchumu wun'wana wo pfuna kereke, kambe a wu fanelanga ku endliya emahlweni ka nhlengeletano, ntsena hi ndlela leyi ndzi nga ta mi byela leswaku swi fanele ku endlisiwa swona. Wa vona? Kutani, hambi ku ngava yini leswi Makwerhu Collins a swi vulaka, Makwerhu Hickerson u nyika nhlamuselo, tani hi xikombiso, kutani Makwerhu *Swimani-mani* a tsali leswi ehansi, leswaku i yini. Kutani loko kuri ku swi le kuteni . . .

³⁹ Sweswi, hinkwerhu ha swi tiva leswaku Hosi yi le ku vuyeni, ha swi tiva sweswo. Kutani loku kuri ku Makwerhu Neville a pfuka vusiku byin'wana na byin'wana kutani a ku, "Vonani, Hosi yi le ku vuyeni! Vonani, Hosi yi le ku vuyeni!" sweswo a swi tava swi lulamile, wa vona. Kambe u vula sweswo (mufundhisi) eka pulatifomo, hikuva u na Rito ra sweswo. Nakona loko a ri mufundhisi, muprefeta eka kereke . . . kumbe mufundhisi, swa antswa, u fanele ku hlaya Rito ra Hosi kutani a mi byela leswi nga tsariwa eRitweni ra Hosi mayelana na ku vuya ka Hosi, kutani mi tsundzuxiwa hi sweswo. Ministri hi mukhuva

wun'wana (eka kereke) lowu a nga taka a ngavi na ku hlangana na wona, i tindzimi, ku hlamuseriwa ka tindzimi (leswi ku nga vuprofeta), kumbe muprofeta loyi a vulavulaka, sweswo a hi nchumu lowu nga tsariwa eRitweni. Leswi nga tsariwa eRitweni, *yena* u fanele ku swi tisa; kambe leswi swi nga tsariwangiki eRitweni, hi leswi *n'wina* mi nga ta *n'wi* byela. Kukotisa, hi xikombiso, “Byela Makwerhu Wheeler, LESWI HOSI YI SWI VULAKA, ‘Mundzuku, egojini ra sava ra yena, a nga fanelanga kuya kona, hikuva ku tava na lori leyi nga ta vumbuluka,’” kumbe swin'wana swo kota sweswo, nakona swi fanele ku endleka. Kutani u swi vurile nakona u swi hlamuserile, kutani mi tlhandleka sweswo ehenhla ka pulatifomo endzhaku ka loko ministri wa *n'wina* wu hetile, kutani, na vusiku, endzhaku ka loko kereke (risimu) yi sungurile ku yimbelela na swin'wana; loko kuri ku ministri wa *n'wina* wu tava wu hetile hi nkarhi walowo, a va humeleli na leswaku i vuprofeta muni lebyi byi nga nyikiwa.

⁴⁰ Nakona a ndzi ehleketi leswaku hi na... Kumbe loko mi ri na swona, vekani leswi kwalahaya. Loko vanhu lava va hlangana kun'we, pfumelelani lava va nga na vutlhарhi va sungula va ta. Hikuva, ma swi vona, loko un'wana a vulavula hi tindzimi na ku nyika nhlamuselo kuya hi Matsalwa, sweswo swi ngaka swi nga amukeriwi handle kova swi mbhoniyeriwa hi vanhu vambirhi kumbe vanharhu, timbhoni timbirhi kumbe tinhарhu, wa vona, ti fanele ku mbhoniyela eka sweswo, leswaku va pfumela kuva swi ri Rito ra Hosi. Hikuva... Na swona nkarhi wun'wana eka tiministri letintsongo, ntsena tani hi le ka ministri wun'wana na wun'wana, u kuma mimoya leyi nga hoxeka; wa vona, yi ta hahela kwale ndzeni. Nakona a hi swi lavi sweswo. Ee. Hi lava leswaku tiministri leti ti va ti lulamerile ku paluxiwa loko kuri ku tifanele ku paluxiwa, hikuva nchumu wun'wana na wun'wana lowu nga wa Xikwembu wu nga kota... a mi fanelanga ku vilela hi ku wu paluxa, ndzi vula leswaku, wu ta—wu ta hlula ndzingo, loko kuri ku i wa Xikwembu.

⁴¹ Ntsena tani hi mufundhis, loko un'wana a *n'wi* ntlhontlha eRitweni, a nga fanelanga ku seketela mayelana na swona, u tiva hi ku hetiseka leswaku u vulavula hi yini, “Tana ehenhla lahwani.” Wa vona? Ku fana na tiministri letin'wana, ti fanele kuva hi ndlela leyi fanaka.

⁴² Sweswi, loko—loko un'wana a vulavula hi tindzimi na ku nyika hungu... Sweswi, vanhu van'wana va vulavula hi tindzimi ntsena loko va ri karhi va “tikurisa vona vinyi,” Bibele yi te, ntsena vo titsakisa. Va vulavula hi tindzimi, va titwa. Nakona *hakunene* va vulavula hi tindzimi, kunene-nene va vulavula hi tindzimi, na swona i Moya lowu wu swi endlaka. Kambe loko kuri ku tshama le handle eka vayingiseri, va ri karhi va vulavula hi tindzimi, ntsena kuva va tikurisa vona vinyi, kutani a swi vi swi ri nchumu lowu vuyerisaka ka kereke; wanuna u va a ri karhi

a tikurisa yena n'winyi, kumbe wansati, kumbe hambi kuri mani na mani loyi a swi endlaka. Wa vona?

⁴³ Ku vulavula hi tindzimi i nyiko ya Xikwembu eka ku tikurisa, tani hi laha Paul a swi vulaka eMatsalweni, leswaku i ku kurisa kereke. Swingaleswi a swi fanele kuva hungu leri humaka ka Xikwembu kuya ka kereke, ehandle ka leswi swi nga tsariwa laha eBibeleni. Wa vona? I nichumu wun'wana lowu . . .

⁴⁴ Loko mi nga ndzi vutisa, "Makwerhu Branham, xana ndzi fanele ku khuvuriwa njhani?" Ndzi nga mi byela hi xihatla. A mi boheki ku vulavula hi tindzimi kuva mi ndzi byela sweswo, swi tsariwile kwala Bibeleni leswi swi faneleke ku endliya mayelana na sweswo. Wa vona? A ndzi boheki ku . . . a mi boheki ku vutisa swivutisa eka sweswo kutani un'wana a vulavula hi tindzimi kuva a mi byela. Wa vona, sweswo i khale swi tsariwile.

⁴⁵ Kambe loko u ku, "Makwerhu Branham, xana ndzi fanele ku endla yini? Ndzi na xiboho lahawani lexi ndzi faneleke ku xi endla mayelana na kuva ndzi nga teka kereke leyi kumbe kuya eka leyin'wana kereke," kumbe swin'wana swo tani hi sweswo. "Kumbe xana ndzi nga endla *leswi, sweswo?*" Sweswi, sweswo swi ta fanelia ku ta ku suka eka Xikwembu. Wa vona, Xikwembu xi fanele ku hi byela sweswo. Kambe sweswo swi ta fanelia ku ta hi ministri wun'wana, hikuva Rito a ri swi vuli ku "Orman Neville a suki eBranham Tabernacle kutani a ya eFort Wayne Gospel Tabernacle." Wa vona, a swi vuriwi sweswo eRitweni lahawani, wa vona, swingaleswi sweswo hi leswi tinyiko leti tirhaka swona.

⁴⁶ Kukotisa loko munhu a ta lahawani kutani a ku, "Xana wa pfumela eka ku horisa ka Matimba?" Hi chumayela sweswo, ha swi pfumela, ha pfumela eka ku totiwa, hi mafurha.

⁴⁷ Kambe kuna wanuna loyi a nge a nga "Koti ku hundza, xana xiphigo i yini?" Kutani swi teka Xikwembu, hi tindzimi, ku hlamusela, hi vuprofeta, kumbe hi ndlela yin'wana ku rhelela evuton'wini bya wanuna yaloye na ku hlomula nchumu lowu a nga wu endla, na ku n'wi byela hi wona. Lowu i ministri lowu nga riki wa mufundhisi, i wa tinyiko leti to ministara, kambe a ti fanelanga ku endleriwa le mahlweni ka vayingiseri. Wa vona?

⁴⁸ Sweswi, Paul a nga se tshama na kan'we a boheka ku byela lavaya—ku byela lavaya va kereke ya Efesa xin'wana na xin'wana mayelana na sweswo, a va ri eka ntshamiseko, kereke ya Rhoma, kumbe na yin'we ya tikereke letin'wana; ntsena kereke ya le Korinto, nakona a va nga ta tikuma . . . Sweswi, Paul a pfumela eka ku vulavula hi tindzimi. A ri na ku vulavula hi tindzimi ekerekeni ya le Efesa, ku fana na hilaha a nga va na kona eka kereke ya le Korinto, wa vona, kambe a kota ku vulavula swilo leswikulu na Vaefesa ku tlula ku vulavula hi tindzimi, na ku hlamusela ka tindzimi.

⁴⁹ Sweswi, kutani loko un'wana a tsala hungu leri ri nga nyikiwa hi tindzimi kumbe ku nyikiwa hi vuprofeta, ivi ri tlhandlekiwa ehenhla ka platifomo, ri fanele ku hlayiwa hi mufundhisi loko ntirho wu nga se sungula, ra “LESWI HOSI YI SWI VULAKA” ku suka eka vanhu lava va nga ri vula na ku ri hlamusela. Kungaku loko sweswo swi humelela hi ku hetiseka hi ndlela leyi nhlamuselo yi nga vula hakona, hi yimisa mavoko na ku nyika ku khensa eka Xikwembu hikokwalaho ka Moya wa Xona lowu nga exikarhi ka hina. Loko swi nga humeleli, kutani u nga ha swi endli nakambe ku kondza moya lowu wo biha wu huma eka wena. Xikwembu a xi hembi, hi Xona ntiyiso nkarhi hinkwawo.

⁵⁰ Kutani, ma swi vona, mi kurile ku ringana sweswi kuva mi tikhoma ku fana na vavanuna, ku ngari vana (“ta, ta, ta”), mi fanele kuva na nhlamuselo yo karhi eka swin’wana.

⁵¹ Pfumelelani kereke sweswi, tani hi leswi yi taka hi ntshamiseko, yi ta eka ntshamiseko *lowu*. Loko un'wana a profet... Loko un'wana a ta exikarhi ka n'wina, a nga dyondzekanga, ivi mi vulavula hi tindzimi, mi tava mi ri madodomedzi eka yena, a nga swi tivi leswaku mi vulavula hi yini. Wa vona? Na swona hakunene eka siku leri laha ku ngava na mpfilumpfilu swonghasi mayelana na swona, swi vanga xirhalanganyo. Kambe a kuve na un'we loyi a vulavulaka hi tindzimi, kutani un'wana a hlamusela na ku nyika hungu, na swona a swi hlayiwe kona kwala eka platifomo, swa leswi swi nga ta humelela, kutani mi swi pfumelela swi humelela, mi vona leswi nga ta humelela. Va byeleni leswaku “Mundzuku hi nkarhi *wokarhi*, kumbe vhiki leri taka hi nkarhi *wokarhi*, ku tava kuri na nchumu *wokarhi*,” kutani mi pfumelela loyi a nga pfumeriki loyi a tshameke lahaya a yingisa sweswo kutani a vona leswaku swi vhumbhiwile swi nga se humelela. Kutani va ta swi tiva leswaku i moya wa muxaka muni lowu nga exikarhi ka n'wina, ku tava kuri Moya wa Xikwembu. Sweswo hi leswi Paul a nge te, “Kungaku loko un'wana a profeta na ku paluxa swihundla, xana nhlengeletano a yi nga ta wela ehansi, kumbe, loyi a nga pfumeriki, kutani a ku, ‘Xikwembu xi le xikarhi ka n'wina?’” Wa vona? Hikuva ku ngaka...

⁵² Kambe sweswi a hi lavi... “Loko ha hari xihlangi,” Paul a ku, “a ndzi tikhoma kukotisa xihlangi,” u byerile Vakorinto lahaya, “a ndzi vulavula kukotisa xihlangi.” A ri na miehleketo ya xihlangi. “Kambe loko ndzi hundzukile wanuna, ndzi vekile swilo swa vuhanlangi ekule.”

⁵³ Sweswi, ndzi le ku mi byeleni hinkwenu, wa vona. Sweswi, malembe yantsongo lawa ya nga hundza, a mi ri swihlangi na tinyiko leti, mi ri karhi mi tlanga endzhaku na le mahlweni. Kambe mi vile exikolweni nkarhi wo leha sweswi, i nkarhi wa kuva vavanuna, ku ngari ku tirhissa leswi ntsena ku tlanga hi swona. Tinyiko leti, ti hlawulekile, i ta Xikwembu, na swona a

ku tlangiwi hi tona. A hi pfumeleleni Xikwembu xi ti tirhisa. Sweswo hi leswi ministri wa n'wina wu lavaka kuva xiswona. Yaley i ndlala leyi Branham Tabernacle yi vekiwaka hakona eka xikhongelo. Kungaku—kanguku loko leswi swi vutisiwa, nkarhi wun'wana na wun'wana, pfumelelani thepi leyi yi yima tani hi mbhoni leswaku yaleyo hi yona ndlala leyi swi nga fanelu ku endlisiwa xiswona eBranham Tabernacle.

⁵⁴ Loko ku ngava na muluveri loyi a nga ta ta, hikuva mi va na vona nkarhi hinkwawo, hikokwalaho kova leyi yi ri tabernakel ya tidinominexini to hambana-hambana, kuna vanhu lava va taku lava va nga riki na ndzetelo wa kahle tani hi lowu, a va na wona, a va tivi ku antswa. Kutani mufundhisi wa vona, va nga tlulela ehenhla na ku tsema hungu ra yena, na ku handzula ku vitanelu e altareni, na ku vulavula hi tindzimi na hinkwaswo swo kotisa sweswo. Mi vavanuna lava nga leteriwa ku antswa ku tlula sweswo. Wa vona? Kutani endzhaku ka xikhongelo, loko a nga ha lawuleki, kutani i ndhawu ya madiyakoni kuya eka vona. Mi nga tshiki mufundhisi wa n'wina a boheka ku swi endla handle ka loko swi fika eka xiyimo lexi ku nga riki na mudiyakoni lahawani, kambe mudiyakoni u fanele ku vonana na sweswo. Wa vona?

⁵⁵ Sweswi, endzhaku ka ntirho... Loko munhu a yima ivi a nyika hungu, mufundhisi, loko a lava ku yima nyana xinkadyana kutani a ya emahlweni, swi kahle, wa vona, sweswo swi le ka mufundhisi. Kambe xikan'we-kan'we mudiyakoni, loko munhu yaloye a nga se huma emuakwini, n'wi yisi etlhelo kutani u vulavula na yena mayelana na swona.

Kutani loko a swi vutisa, n'wi tisi eka thepi leyi kutani u ku, “Leswi hi leswi bixopo a swi vulaka, kumbe, mulanguteri wa kereke...” (Leswi nga *bixopo*, e...mulanguteri un'wana na un'wana, wa vona, sweswo hi leswi swi vuriwaka swona eBibeleni, “*bixopric*,” wa vona, swingaleswi yaloye i mulanguteri nkulu wa kereke.) “pfumelelani...leyi i mintshamiseko na ndlala leyi kereke ya hina yi swi endlisaka xiswona. Sweswi, ha swi rhandza kuva mi ta mi ta nyika hungu ra n'wina. Kambe loko mi ri na hungu ku suka eka Hosi nakona ri ri... a ri nyikiwe, tanani lahawani kutani mi ri tlhandleka ehenhla ka platifomo ya hina, kutani ministara wa hina u ta ri hlayela nhlengeletano, hungu eka nhlengeletano leyi.”

Kambe a ri fanelanga kuva ntsena ku vuyelerisa Matsalwa, na swilo swo tani hi sweswo. Ri fanele kuva hungu ro kongoma eka vanhu, ra swin'wana leswi swi tilunghiselaka ku humelela, kumbe swin'wana leswi va faneleke ku swi endla. Xana swa twisiseka? Swi lulamile.

222. Sweswi, xana yi kona ndlala yo antswa yo hlayisa ntshamiseko ekerekeli ku tlula ku tshamela ku tsundzuxa

**vanhu hi ku—ku vuyelerisa ku suka eka madiyakoni hi
ndlela ya kona-ke?**

Ee, xexo, ndza ha ku swi hlamusela sweswo. Xexo i xivutiso xa nomboro ya vunharhu.

⁵⁶ Madiyakoni, ntirho wa n'wina i ku hlayisa ntshamiseko ekerekeni, hi musa na hi vunghana. Nakona mi fanele kuva tano, loko un'wana a huma entshamisekweni ekerekeni, kumbe a ta lahawani tani hi xidakwa, kumbe munhu un'wana loyi a taka.

⁵⁷ Kukotisa loko va balesela ministara luya eka platifomo Yusiku byin'wana ehenhla lahaya. Mi twile hi mayelana na sweswo, xidakwa lexiya xi nghanile na xibalesa xa milomo yimbirhi. Xi huwelerile nsati wa xona, nakona—nakona a xi lava nsati wa xona, ivi xiya xi kongomile mufundhisi. Kutani mufundhisi u xi kombetile nsati wa xona loyi a tshamile kwalahaya, kambe a xi lava ku balesela wansati kwale kerekeni, hi loko mufundhisi a sungula ku tirhana na xona. Kutani ematshan'wini ya—ematshan'wini ya... E—e wanuna wa xibalesa u hundzulukile ivi a balesela mufundhisi ku suka ephuluphitini, ivi a balesela nsati wa yena, ivi a tibalesela yena n'winyi.

⁵⁸ Sweswi, loko a ku vile na ntlawa wa madiyakoni kwalahaya loko wanuna luya a nghena enyangweni luwa na xibalesa lexiya, a va tava va n'wi khomile mavoko ya yena ya yisiwe endzhaku, xibalesa xi sukile evokweni ra yena. Wa vona? Wa vona, valava—valava i madiyakoni ya ntshamiseko. Kutani sweswi, swilo leswi swi fambilé hi ndlela leyi swi fambaka hakona sweswi, ntsena mi nga ha langutela xin'wana na xin'wana. Kambe, tsundzukani, madiyakoni i maphorisa ya Xikwembu endlwini ya Xikwembu, swi ngari na mhaka leswaku mani na mani u ehleketa yini. Nkarhi wun'wana phorisra ri lava ku ka ri ngayi ri ya khoma munhu un'wana, kumbexana un'wana wa munghana wa rona, kambe hikokwalaho kova ri hlambanyile ehofisini, ri boheka ku swi endla hi ndlela yin'wana. Walowo i ntirho wa rona edorobeni ra rona. Wa vona?

⁵⁹ Walowo i ntirho wa mudiyakoni ekerekeni. Kutani loko un'wana a tlula-tlula na ku sungula ku kavanyeta mufundhisi, kumbe swin'wana swo kota sweswo, nakona mufundhisi a ri eka hungu ra yena, madiyakoni ya fanele kuya eka vanhu valava, vambirhi kumbe vanharhu va vona, va ku, "Xana hi nga vulavula na wena, boti?" Wa vona? Va n'wi susa ekerekeni, ehandle kuya ehofisini, *lahawani* kumbe ehofisini yin'wana, kutani va vulavula na yena mayelana na swona, va ku, "A wu fanelanga ku kavanyeta." Ma swi tiva, i—i ndziho lowukulu hi nawu ku kavanyeta ntirho hi ndlela yin'wana na yin'wana. Wa vona? Kambe vanhu van'wana, tani hi munhu wa dzingandleve kumbe swin'wana, u ta exikarhi ka n'wina, ma swi tiva, na—na bayizani un'wana wa swa vukhongeri, kutani—kutani a

sungula kuya emahlweni, kutani madiyakoni... Kutaku loko—kutaku loko madiyakoni ma nga tikombi ma swi kota ku swi lawula, kutani bodo ya mathirasti kumbe un'wana na un'wana ekerekeni a nga tlakuka kutani a pfuna munhu wo tani hi yaloye. Ma swi tiva sweswo.

⁶⁰ Kutani—kutani sweswi ndzi pfumeleleni ku vutisa xivutiso nakambe lahwani.

Xana yi kona ndlela yo antswa yo hlayisa ntshamiseko ekerekeni ku tlula ku tsundzuxa vanhu hi ku vuyelerisa ku suka eka madiyakoni, sweswi, nkarhi na nkarhi-ke?

⁶¹ Sweswi ndzi ehleketa leswaku e—e mufundhisi, ha kanyingi minkarhi hinkwayo... Kumbe ku tlanga thepi ley, mi nge sweswo swi yima tani hi mbhoni. Madiyakoni i maphorisa, na swona rito ra vona i nawu na ntshamiseko. Wa vona? Nakona va na matimba ku suka eka kereke na hambi kuri eka milawu ya tiko ku endla leswaku yindlu ya Xikwembu yi va ndhawu ya kahle. Kutani mani na mani loyi a nga ta phikizana na mudiyakoni kukotisa sweswo, u faneriwa hi—hi mbirhi kuya ka khume ra malembe ekhotsweni ra nhlanganelo wa matiko. Loko u va byela kuva va famba kutani va nga swi endli, kumbe swin'wana swo kota sweswo, munhu un'wana wa matikhomelo ya mpfilumpfilu, ntsena a nga swi tivi kuri u endla yini eka... Wa tiveka yena hi yexe, kumbe ku tirhwexa vutihlamuleri bya tinxaka hinkwato ta mindziho, swin'wana na swin'wana.

⁶² Kutani loko swi ta eka xiymo lexi munhu un'wana... Sweswi, kukotisa... Kutani loko un'wana a tlulela ehenhla na ku endla mpfilumpfilu... Ntsena kumbexana ku vulavula hi tindzimi kumbe swin'wana, a ndzi nga ta nghena eka sweswo. Wa vona, va tshikeni va famba, hikokwalaho ka loko a ri muluveri. Loko kuri i vanhu va hina vinyi, kutani pfumelelani, vusiku lebyi landzelaka, n'wina madiyakoni tekani thepi ley ntsena, kutani mi ku, "Sweswi, hi ya eku tlangeni ka ntshamiseko wa kereke loko hi nga se sungula ntirho, ndzi lava leswaku un'wana na un'wana a yi twisisa." Kutani n'wina vafundhisi na n'wina hinkwenu mi nga tirhisana swin'we kukotisa sweswo.

223. Sweswi, Makwerhu Branham, u ri yini mayelana na xikolo xa Sonto? Makwerhu Branham, mayelana na xikolo xa Sonto (swi lulamile), xana xi fanele kuva kona ku nga seva na ntirho wo chumayela-ke?

⁶³ Ina, hi vile na xona hi ndlela yaleyo nkarhi hinkwawo. Mi va na xikolo xa Sonto ku nga seva na ntirho wo chumayela. Nakona sweswo swi nyika nkarhi eka vanakulorhi lavantsongo lava va yaka eka xikolo xa Sonto, ku ntshunxa mintlawya ya vona. Kungaku loko—kungaku loko va lava...na swona vanakulorhi lavantsongo a va swi twisisi, nakona va fanele ku tshama ndlela hinkwayo ya ntirho wa ku chumayela kutani va va na xikolo xa Sonto, vanakulorhi lavantsongo va karhala. Pfumelelani xikolo

xa Sonto xi va xo sungula, mi va na nkarhi lowu nga vekiwa, ntsena hi nkarhi lowu nga vekiwa xikolo xa Sonto xi taya eku hlengeletaneni. Mulanguteri wa xikolo xa Sonto u fanele ku vonana na sweswo, leswaku xikolo lexi xa Sonto xi ya eku hlengeletaneni hi nkarhi wokarhi, nkarhi lowu nga vekiwa. Nakona xi ntshuxiwa hi nkarhi wokarhi. Swikolo swa Sonto hinkwaswo, swi pfumelela nkarhi wo karhi eka sweswo, kutani swi ntshuxiwa.

224. Xana swi fanerile kuva mudyondzisi wa ntlawa wa lavakulu a va munhu un'wana handle ka mufundhusi?

⁶⁴ Loko swi pfumelelaniwise xisweswo. Loko mufundhisi a lava ku dyondzisa xikolo xa Sonto kutani a tisa hungu endzhaku, sweswo swi lulamile na kuva kahle swinene loko kuri ku u lava ku endla mintirho leyimbirhi. Kambe loko a nga swi lavi, kumani mudyondzisi wa xikolo xa lavakulu xa Sonto, wa vona, eka ntlawa wa n'wina wa lavakulu. Kutani loko—loko mufundhisi a ri na munhu un'wana emiehlekeweni ya yena, nakona munhu wa kona a lava ku swi endla, tinyiketi makume nharhu wa timinetse, kumbe hambi ku ngava yini leswi u nga ta pfumelela xikolo xa wena xa Sonto kuva na swona, makume nharhu kumbe makume nharhu-ntlhanu, makume mune wa timinetse, hambi ti ngava tili.

⁶⁵ Nakona ku fanele kuva na nsimbhi leyi nga vekiwa lahwani. Kutani loko nsimbhi yaleyo yi biwa, sweswo swi vula... kumbe ku ngava nsimbhi ya kereke, loko yi biwa le handle, sweswo i ku ntshunxa xikolo xa Sonto. Kutani loko nsimbhi yaleyo yi rila, sweswo swi vula leswaku hinkwaswo swi fanele ku ta eka ntshamiseko kwalahaya.

⁶⁶ Ku tava kuri na nkarhi wo tala wa risimu kumbe timbirhi, rihi na rihi leri mi nga ta ri yimbelela. Ku ngari nkarhi wo leha ngopfu, mi nga karharisa vanhu hi ku va khomeleta nkarhi wo leha, wa vona. Kutani mi ba nsimbhi ntsena, mi kuma risimu na hambi ku ngava yini leswi mi nga ta swi endla, ivi mi rhumela mintlawa ya n'wina endhawini ya kona. Kutani xikan'we-kan'we loko nkarhi walowo wu fika, a hi nge ku tava hi—hi awara ya khume, kumbe khume ntlhanu ku bile awara ya khume, kumbe hafu ku bile awara ya khume, hambi ku ngava yini, banani nsimbhi yaleyo kutani mudyondzisi un'wana na un'wana a ntshunxa ntlawa wa yena, wu ta eka vayingiseri lahwani. Kutani... Nakona a nyika xiviko, xiviko xa xikolo xa Sonto, kutani a ntshunxa nchumu hinkwawo, ivi a pfumelela hinkwawo lava va lavaka ku tshamela ntirho wo chumayela kuva va landzela. Wa vona, kutani i ntshamiseko.

Xivutiso? **Xana i tinga...** [Un'wana a vutisa Makwerhu Branham, “Kutani hi na ntlawa lowu hambanyisiweke, hi marito man'wana?”—Muhleri.]

⁶⁷ Oho, ina, mi fanela kuva na vona. E—e n'wana wa malembe manharhu hi vukhale a ngaka a nga swi twisisi leswi wa khume mune wa malembe hi vukhale a nga swi twisisaka. Ndzi ehleketa leswaku ndzi swi yisile sweswo emahlweni nyana.

225. Xana i mintlawa yingani leyi yi faneleke kuva kona?

⁶⁸ Mi fanele ku veka mintlawa ya n'wina kuya hi... Kukotisa ntlawa wa lavantsongo lava va lavaka kuva na grafu ya flannele, sweswo swi tlula mpimo eka mufana kumbe nhwenyana wa khume mune wa malembe. Wa vona? Mi fanele kuva na munhu un'wana loyi a nga ta teka ntlawa lowu hikokwalaho ka swihlangi leswi, manana un'wana wa khale kumbe swin'wana loyi a tivaka hilaha va hlayisiwaka hakona. Mintlawa leyin'wana, ndzi ehleketa leswaku, ku fanele kuva munhu un'wana loyi a kotaka ku veka Rito. Wa vona? Na swona ku fanele kuva na mintlawa. Ku swi vula sweswi, ku tava na swo tani hi ntlawa wa ku sukela ka... Ku nga hava mintlawa yinharhu.

⁶⁹ Ku fanele kuva ntlawa wa swihlangi leswintsongo, ku fanele kuva na va kwalomu ka ntlhanu wa malembe hi vukhale. Kutani lavan'wana hinkwavo ehansi ka yalawa va fanele ku tshama na manana wa vona, kutani va yisiwa eku mamiselelo loko swi fanerile hi nkarhi wa—wa ku chumayela, loko va ri karhi va rhasa. Sweswo hi leswi ndhawu yo mamisela yi tirhaka swona.

⁷⁰ Nakona ndzi ehleketa leswaku e—e mintlawa yi fanele ku vekiwa ku sukela ko tani hi le ka swihlangi leswintsongo swa kwalomu ka ntlhanu kumbe ntsevu wa malembe hi vukhale, ku fika eka nhungu kumbe nkaye, khume, swin'wana swo tani hi sweswo. Kutani ku sukela eka khume ra malembe hi vukhale kuya ka khume ntlhanu va fanele kuva eka—eka ntlawa wa lava nge kondlo-a-ndzi-dyi. Kutani ntlawa wa lavakulu ehenhla ka khume ntlhanu, hikuva va... loko va kurile ku ringanelu ku—ku... masiku lawa va nga wu kuma ntirho na swona va lava ku vhota hi malembe yalawa, hakanyingi; swingaleswi va—va fanele kuva va kota ku twa Rito, kambe va fanele kuya eka muako wa ximfumo kutani va kuma sweswo.

226. Xana hi vahi lava va faneleke kuva vadyondzisi?

⁷¹ Hi n'wina valava, sweswo swi le ka n'wina ku vhotela vadyondzisi va n'wina vinyi. Nakona mi fanele ku endla sweswo, mi va veka kwalahaya, mi kuma munhu un'wana. Nakona mi hlangana na kereke, mi ku, "I mani... I mani lahawani loyi a titwaka a fambisiwa hi Hosi?" Kutani mi kuma mudyondzisi loyi a ringanelaka. Kutani mi swi pfumelela swi endleka. Swi fanele kuva swa nawu, vamakwerhu. Loko mudyondzisi a nga ringaneli eka swona, kutani cincani vadyondzisi.

⁷² Loko nkarhi wu fika, tani hi le hansi ka Xikwembu, loko ndzi twa ingaku Orman Neville a ngaka a nga ha ringaneli kuva mufundhisi lahawani, ndzi ta swi vula eka kereke. Loko ndzo

vona nchumu wun'we lahawani, ndzi ehleketa leswaku n'wina madiyakoni a ma ha ringaneli kuva madiyakoni, ndzi ta swi vula eka kereke, leswaku, "Ndzi kuma leswaku ku na mudiyakoni un'wana lahawani a endlaka nchumu lowu a nga fanelangiki ku wu endla, na swona a nga hlayisi ntirho wa yena," na swin'wana swo kota sweswo, kumbe muthirasti kumbe hambi ku ngava mani. Ndzi ngaka ndzi nga swi vhoteli ehandle kumbe endzeni, kereke yi fanele ku endla sweswo, kambe kunene ndzi ta swi veka emahlweni ka kereke. Wa vona, hikuva sweswo hi leswi yi fanele ku swi endla. Sweswo hi leswi ndzi faneleke kuva swona, tani hi mulanguteri, ndzi fanele ku langutisa na ku vona leswi nga ku humeleleni. Hi ya eTilweni, ku ngari ehandle lahawani kun'wana eka nhlengeletano-xintshungu kumbe swin'wana kuva na vunyanyuri byo tala na ku hlangana un'wana eka un'wana, na ku tlanga baseball. Hi lahawani hi khomile nchumu wo hlawuleka ku tlurisa lowu nga kona emisaveni, Rito ra Xikwembu, nakona ri fanele ku yisiwa emahlweni hi ntshamiseko wa vukwembu.

Xana hi vahi lava va faneleke kuva vadyondzisi?

⁷³ Sweswo swi le ka n'wina kuva hlawula. Kambe a ndzi ta teka, eka swihlangi, a ndzi ta teka mukhegula, un'wana loyi a nga ta endla sweswo. Kambe eka lava vo kondlo-a-ndzidiyi, a ndzi ta teka mudyondzisi loyi a nga na rilandzeleriso, na swona ku ngari ntsena kuya ehandle lahawani na kuva na matshopetani. Sweswo swi ngava kahle loko va lava kuva na matshopetani, kambe ntsena vekani nchumu hinkwawo eka sweswo... Wu vekeni eRitweni, pfumelelani munhu un'wana loyi a kotaka ku khoma Rito. Nakona swi tava tano, kereke ley i a yi yimeli... Matshopetani ya kahle, na—na tipikiniki nyana leti mi lavaka kuya swin'we mi yava na xinakulobye, sweswo swi kahle, sweswo—sweswo hi leswi mi faneleke ku swi endla ku nyanyula vana. Kambe eka ndhawu ley i *lahawani*, leri i Rito ra Xikwembu. Matshopetani hi loko mi hlangana kun'we, kumbe swin'wana swo tani hi sweswo, kambe ku ngari endlwini ley i ya Xikwembu. Kutani leswi swi tiveni, kunene ha swi tiva leswaku a hi pfumeli eka vuphukuphuku lebyi bya—bya—bya minkhuvo na hinkwaswo swo kota sweswo lahawani, hi—hi... mi tiva ku antswa ku tlula sweswo.

227. Xana i mani loyi a faneleke kuva ehenhla ka xikolo xa Sonto kuva a xi veka eka ntshamiseko?

⁷⁴ I mulanguteri wa xikolo xa Sonto. Nakona sweswo hi leswi ntirho wa yena wu nga swona. A nga fanelanga kuva na xo xi endla na madiyakoni, mathirasti, vafundhisi, kumbe munhu un'wana, u na hofisi ya yena n'winyi. Hambi mudyondzisi wa xikolo xa n'wina xa Sonto i mani, a ndzi n'wi tivi. Kambe mudyondzisi yaloye wa xikolo xa Sonto u fanele ku vona leswaku ntawa wun'wana na wun'wana wu le ka ndhawu ya wona, nakona mudyondzisi un'wana na un'wana u kona, kumbe

ku veka mudyondzisi un'wana ematshan'wini ya mudyondzisi yaloye loko a ngari kona hi siku rero.

⁷⁵ Kutani loko ku nga seva na xa Sonto . . . Loko e—e tidyondzo ta haya emahlweni, mulanguteri wa xikolo xa Sonto u fanele kuya a ya teka minyikelo leyi va ngava na yona kwalahaya (minhlengo ya vona ya xikolo xa Sonto), na xiviko xa leswaku i vangani lava a vari kona, i Tibibele tingani leti a vari na tona eka ntlawa lowu, na swin'wana, kutani a endla xiviko xa swona. Kutani a yima emahlweni ka vayingiseri loko ku nga seva na ntirho wa ku chumayela, loko a nyikiwile nkarhi wo swi endla, loko vari na xiviko xa xikolo xa Sonto endzhaku ka loko xikolo xa Sonto xi herile, a vula leswaku i vadyondzisi vangani, i vangani lava a vari kona, i vangani loko va helerile eka xikolo xa Sonto, hinkwayo—hinkwayo minyikelo loko yi helerile, na swin'wana swo kotisa sweswo. Madiyakoni, mathirasti, vafundhisi, a va fanelanga ku endla sweswo. Va hava xo xi endla eka swona, walowo i ntirho wa mulanguteri wa xikolo xa Sonto.

⁷⁶ Kutani loko a vona leswaku xikolo xa Sonto xi lava swilo swo karhi, kutani u ta yisa sweswo eka—eka bodo ya mathirasti, kutani mathirasti va va na nhlengeletano ehenhla ka swona, ku sungula. Kutani mathirasti, kutaku loko va kuma leswaku ku na mali yo ringanelia na swin'wana, kuya hi mukhomi wa nkwama, kutani leswi swi nga xaviwa; loko a lava swin'wanyana swa tibuku, kumbe hambi ku ngava yini, kumbe Tibibele tin'wana kumbe swin'wana, va lava ku xavela un'wana Bibebe yo karhi, ma swi tiva, leyi nga ta kuma marito yo tala na ku tshaha Matsalwa yo tala, sagwadi ro karhi kumbe nchumu wun'wana lowu va nga ta wu nyikela kukotisa sweswo, nyiko, nakona va lava ku yi xava hi kereke. Kutani sweswo a swi yisiwe eka—e eka—e eka—e madiyakoni . . . kutani vona va fanele ku kumisisa loko yi—yi ri—yi ri kona enkwameni. Wa vona?

⁷⁷ Kutani ndzi ehleketa leswaku sweswo swi hlamarile swivutiso leswiya swa ntlhanu eka sweswo.

Sweswi eka lexi landzelaka, i:

- 228. Makwerhu Branham, hi ku xixima ntshamiseko wa kereke, hi ringetile ku famba kuya hi ndlela leyi hi twisisaka mintshamiseko leyi nga nyikiwa eku katekisiweni ka kereke leyintshwa. Nakona hi ku endla tano, van'wana va hlundzukile kutani va tshika kereke. Na swona van'wana a va yingiseli na xin'we xa leswi hi swi vulaka, ngopfugopfu vana. Hi vulavurile na vatswari hi mayelana na vana, nakona a va va hlayisi. Sweswi, xana hi ngava hi nga swi twisisanga kahle-ke? Kumbe, hi ngava hi ri karhi hi swi endla hi ndlela yo hoxeka-ke? I nkomu.**

Sweswi ndzi pfumeleleni ku hlamlula leswi tani hilaha swi rhelelaka hakona.

**Hi ku xixima ntshamiseko wa kereke, hi ringetile ku famba
ku ya hi ndlela leyi hi twisisaka kuva wu nyikiwile hakona
eku katekisiweni ka kereke leyintshwa.**

⁷⁸ Sweswi, sweswo swi lulamile, mi le ku endleni ka leswinene. Sweswi, leswi ku fanele kuri madiyakoni, ndza tshembha, hikuva swi kwala, i ntirho wa madiyakoni. Swi lulamile.

**Kutani hi ku endla tano, nkarhi wo tala hi vile...nkarhi
wotala vanhu va hi hlundzukerile.**

⁷⁹ Va ndzi endlela sweswo, na minavu! Va ta swi endlela munhu un'wana na un'wana. Wa vona? Munhu loyi a endlaka sweswo, kuna swin'wana swi nga hoxeka hi munhu yaloye. A va lulamanga na Xikwembu, hikuva Moya wa Kreste wu fumiwa hi ku dyondzisa ka Kreste, yindlu ya Kreste, ntshamiseko wa Kreste. Wa vona? Nakona wanuna un'wana na un'wana loyi... kumbe wansati un'wana na un'wana, kumbe munhu un'wana na un'wana, vana, loyi a nga ta hlundzukela mudiyakoni wa vukwembu loyi a nga ta n'wi byela kuva...na, kumbe mutswari un'wana na un'wana loyi a nga ta hlundzukela mudiyakoni... Kunene, hi lava mani na mani ekerekeni leyi loyi hi nga ta n'wi kuma; kambe loko kuri ku sweswo swi ta vanga xiphijo kun'wana, kuna mutwa kumbe "mpfundlha exithopeni xa tihunyi," tani hilaha a hi swi vurisa swona. Munhu yaloye a nga kahle.

⁸⁰ Loko va famba, kuna nchumu wun'we ntsena wo wu endla: va tshikeni va famba, kutani mi va khongelela. Wa vona? Kutani kumbexani van'wana va madiyakoni va ya ekere-... kumbe, kuya emakaya ya vona nkarhi wun'wana, na ku kumisisa leswaku hikokwalaho ka yini va fambil, na ku va vutisa leswaku a ku hoxeke yini. Kutani, kutaku loko va...Mi vona loko a nga kota ku va hlanganisa. Loko va nga swi endli, kutani a teka timbboni timbirhi kumbe tinharhu na yena, leswaku va ta twisisiwa. Kutani loko va nga twisisiwi, kutani swi vuriwa emahlweni ka kereke loko va ri swirho swa kereke lahwani. Kutani va...

⁸¹ Kutani loko va ngari swirho swa kereke, hikuva a hi swirho swa nhlengeletano leyi, va fanele ku *endliya* leswaku va lawuriwa. Wa vona, va—va fanele ku yingisa mintshamiseko ya hina lahwani, hikuva leyi i mintshamiseko ya kereke. Leswi i swilo leswi hi nga laviki ku swi endla, swilo leswi ndzi nga tsakeriki ku swi endla, kambe i swilo leswi swi faneleke ku endliya. Nakona ndzi le ku tipaluxeni: na ku va byela lahwani hi thepi leyi, hi mina, va nga ndzi twa loko ndzi ri karhi ndzi vulavula kutani va swi tiva leswaku hi mina, ku ngari n'wina vavanuna. Mi *ndzi* vutisile swivutiso leswi, nakona ndzi le ku nyikeni ka swona ku antswa hilaha ndzi tivaka hakona ku suka eRitweni ra Xikwembu.

⁸² “Sweswi, loko vanhu valava va hlundzuka kutani va famba va mi siya, xana Matsalwa ya vula yini hi swona, Makwerhu Branham?”

⁸³ “Va humile exikarhi ka hina hikuva a va ngari va ka hina.” Nakona sweswo swa swi tshamisekisa. “Ku sukela kereke,” sweswo hi leswi va nga swi endla. Swi lulamile.

Van'wana a va nga yingiseli na xin'we xa leswi hi swi vulaka, ngopfu-ngopfu vana.

⁸⁴ Vana va fanele ku tiva ku tshinyiwa, va fanele va ku kuma ekaya. Kambe hambi loko vari va mina, loko vana va mina va fika lahwani nkarhi wun'wana na wun'wana, va fika va phunghela, a ndzi swi lavi kuva n'wina mi koka ngoti na yin'we; Sarah, Rebekah, Joseph, Billy, kumbe hambi ku ngava mani. Mi byela mina, ndzi ta vonana na swona. Loko va nga tikhomi, kutani va ta fanela ku tshama ekule na kereke kukondza va dyondza ku tikhoma. Leyi a hi ndhawu ya vuhungasi, leyi i yindlu ya Xikwembu. Leyi a hi ndhawu yo huhwela kona, na ku tsheremba, na ku tsala tinotsi, na ku hlekelela, na ku nyangatsa, leyi i yindlu ya Xikwembu; yi fanele ku khomiwa hi vukwembu.

⁸⁵ Mi ta lahwani ku ta gandzela, ku ngari hambi kuri ku endzela. Leri a hi—leri a hi rivala ra pikiniki, leyi a hi ndhawu ya vuendzeri; leyi i ndhawu ya vuendzeri bya Moya lowo Kwetsima, yingisani leswi Wu nga ta swi vula, ku ngari ka un'wana eka un'wana. A hi ti lahwani kuva hi tava na xinakulobye ka un'wana eka un'wana, hi ta lahwani ku tava na xinakulobye na Kreste. Leyi i yindlu ya ku gandzelela. Kutani vana va fanele ku tshinyiwa, na swona loko kuri ku va... hi vatsvari. A swi tiviwe! Leswaku loko kuri ku madiyakoni lava... Loko kuri ku vatsvari va vana lava a va nga yingisi leswi madiyakoni lava va nga swi vula, kutani mutswari yaloye u fanele ku lulamisiwa yena n'winyi.

Hi vulavurile na vatsvari hi mayelana na vana, nakona a va va hlayisi.

⁸⁶ Loko vari swirho swa kereke leyi, kutani mi fanele ku teka vambirhi kumbe vanharhu va va na n'wina kutani mi vitana mutswari yaloye eka nhlengeletano ya le xihundleni, endzeni ka yin'wana ya tihofisi. A ndzi na mhaka leswaku i mani, loko kuri mina, loko kuri Makwerhu Neville, loko kuri Billy Paul na xijahetana xa yena, loko kuri Makwerhu Collins na un'wana wa vana va yena, kumbe un'wana na un'wana wa n'wina lavan'wana. Hina hi... Ha rhandzana un'wana eka un'wana, kambe hi bohiwa hi ntirho eka Xikwembu na le ka Rito leri. Loko kuri ku i Doc, e... hambi ku ngava mani, hi fanele ku vitanana kutani hi tshembheka un'wana eka un'wana. Xana Xikwembu xi ta tirhisa ku yini hi hina, loko hi nga tshembhekisa un'wana eka un'wana-ke? Xana hi ta tshembhekisa ku yini eka Xona? Wa vona?

⁸⁷ Lowu i ntshamiseko, hi fanele ku hlayisa yindlu ya Xikwembu! Nakona madiyakoni ma fanele ku tiva hilaha sweswo swi endliwaka hakona. Wa vona? Na swona hi hikokwalaho ndzi ri ku mi byeleni sweswi, ku tshika swilo swi hlangananile. Kutani loko leswi, mi swi byela vatswari nakona va nga swi yingisi leswi, va nga nga swi yingisi, kutani u tikumela mudiyakoni un'wana kumbe un'wana wa mathirasti, kumbe munhu un'wana wa kahle wa kereke leyi, ivi mi vitana... teka muthiras-... Teka bodo ya madiyakoni ya wena, madiyakoni ya wena hinkawo, u ku, "Makwerhu Jones, Makwerhu Henderson, Makwerhu Jackson," kumbe hambi ku ngava mani, wa vona, "vana va vona va phunghela, hi va byerile ka mbirhi kumbe ka nharhu mayelana na vana va vona, nakona a va swi yingisi."

⁸⁸ Kutani u vitana Makwerhu Jones endzeni, kumbe Makwerhu *Hambi-ku-ngava-mani*, kutani u ku, "Makwerhu Jones, hi ku vitanile lahawani hikokwalaho ka nhlengeletano. Ha ku rhandza, nakona hi... u xiphemu xa hina, u un'wana wa hina. Ndzi pfumeleli ku pfulela thepi leyi yo karhi kutani hi yingisela leswi Makwerhu Branham a nga swi vula mayelana na swona, wa vona. Sweswi, hi ku komberile kuva u endla leswaku vana lavaya va tikhoma. Wa vona? Loko va nga tikhomi, nakona u nga swi koti ku va endla va tikhoma ekerekeni, va siyi na munhu un'wana loko u ta ekerekeni kukondza va dyondza ku tikhoma endlwini ya Xikwembu." Wa vona? Kambe lowu i ntshamiseko, wu fanele ku landzeleriwa! Wa vona?

Sweswi, xivutiso lexin'wana xi ya emahlweni.

Sweswi, xana hi ngava hi nga swi twisisanga kahle-ke?

⁸⁹ Ee, nkulukumba. A wu swi hupanga, sweswo swi lulamile. Ndzi le ku yi vuleni nakambe, mintshamiseko. Evusocheni, a va ku kombeli ku, "Xana u ngaya u ya endla nchumu wokarhi-ke?" Loko u ri evusocheni, wa boheka ku swi endla. Wa vona? Nakona yaleyo hi yona ndlela leyi swi nga xiswona eka... Ndza boheka ku chumayela Evhangheli. Ndza boheka ku yimela Leswi swi ngari na mhaka leswaku vavanuna kolorhi lavan'wana na vamakwerhu na van'wana va ri yini hi Swona, ndza boheka ku endla leswi. Ndzi fanele ku vavisa matitwele no tsemelela vanhu va va swiphemuphemu, kambe loko ndzi...

⁹⁰ A mi lavi kuva tani hi Oswald. Wa vona? Kungaku loko u nga kanetani na munhu na swilo, kutani u qhavula voko ra yena nakona u tama wa hari na matitwela man'we hi yena, kutani ku na swin'wana swi nga hoxeka hi wena. Kungaku loko ndzi nga kanetani na munhu (ku biha, ku suka etlhelo kuya eka lerin'wana) nakona ndzi tama ndza ha ehleketa swonghasi hi yena tani—tani hilaha Kreste a ta endla hakona, kutani kuna swin'wana swi nga hoxeka hi moyo wa mina, a ndzi na wona Moya wa Kreste. Wa vona?

⁹¹ Loko a ku, “Hi swona, Makwerhu Branham, ndzi—ndzi pfumela leswaku madyondziselo ya wena ya *leswi, sweswo*.”

⁹² “Swi lulamile, boti, a hi hlangani kun’we hi kanelia, mina na wena. Hi ta swi teka hina vinyi. Hi taya lahwani ekamareni hi ri hexe, hi ta swi kanelia.” Kutani a ndzi tsemelela ndzi va swiphemuphemu, nakona ndzi fanele ku n’wi vuyeta hi swilo. Loko embilwini ya mina ndzi nga titwi hi ndlela leyi fanaka mayelana na yena, leswaku “wa hari boti wa mina na swona ndzi le ku ringetenka ku n’wi pfuna,” kutani ndzi nge tshuki ndzi n’wi pfunile, ku hava ndlela yo va mina ndzi n’wi pfuna. Loko ndzi nga n’wi rhandzi, xana swi pfuna yini kuva ndzi ya kwalahaya? N’wi byeli, “Ndhawu yo sungula ku sungula, Makwerhu, a ndzi ku rhandzi, nakona ndzi pfumeleli ndzi humesela sweswo ehandle ka mbilu ya mina kona kwala hi nga se nghena lahaya, hikuva ndzi ngaka ndzi nga ku pfuni kukondza ndzi ku rhandza.”

⁹³ Nakona sweswo swi lulamile, nakona hi yona ndlela. Wa vona, swi yiseni emahlweni, mi swi endlile hi ku hetiseka, yaleyo i ndlela leyi a swi fanele kuva xiswona. A mi kalanga mi nga swi twisisi.

Xana hi ngava hi ri karhi hi swi endla hi ndlela yo hoxeka-ke?

⁹⁴ Ee, hi yona ndlela yo lulama yo endla sweswo. Ntshamiseko a wu hlaysia! Hikuva nkarhi hinkwawo wu le ku... Sweswi, vana lavantsongo na vamanana, swihlangi leswintsongo na swilo, va—va ta rila, kutani loko va rila swinene na ku kavanyeta mufundhisi wa n’wina lahaya, tsundzukani, mi varindzi va yena, mi varindzi va yena va Evhangheli. Wa vona? Nakona loko kuruku va kavanyeta hungu ra Hosi, kutani mi madiyakoni, xana mi fanele ku endla yini? Ntsena tani hi, wanuna loyi a vulavulaka hi tindzimi, u bohiwa hi ntirho. Na swona wanuna loyi a chumayelaka, u bohiwa hi ntirho eRitweni, u bohiwa hi ntirho eka swilo leswi. Un’wana na un’wana wa n’wina u bohiwa hi ntirho eka hofisi, nakona sweswo—nakona sweswo hi leswi hi nga—hi nga tela ku swi endla lahwani.

⁹⁵ Sweswi, a hi lavi ku yima nkarhi wo leha ngopfu, nakona ndza swi tiva leswaku ndzi na nkarhi lowu nga tsembhisiwa eka timinetse tintsongo, swingaleswi ndzi ta—ndzi ta ringeta ku hatlisa hi xihatla hilaha ndzi nga ta kota hakona.

229. Makwerhu Branham...

Kuna swinharhu, swimbirhi swivutisa eka khadi leri lahwani.

Makwerhu Branham, xana hi swihi leswi swi faneleke kuva maendlele ya ku tekiwa ka minyikelo ya vanhu ekerekenike? Xana leswi swi fanele ku endlisiwa ku yini?

⁹⁶ Ndzi pfumela leswaku ku tekiwa ka minyikelo yi tekeriwela vanhu ekerekeni a swi fanele kuva swi nga endliwi handle ka loko kuri ya mufundhisi wa n'wina. Nakona ndzi ehleketa leswaku loko un'wana a tela mihanano, kumbe swin'wana swo tani hi sweswo, sweswo... Kumbe un'wana loyi a nga eku-eku pfumaleni lokukulu, kukotisa un'wana wa swirho swa hina lahwani, nhlengelletano ya hina, a hi nge un'wana wa vaboti va hina, na swona a ri na xiphijo; hi swona, ndzi ehleketa leswaku sweswo swi fanele ku tivisiwa eka platifomo, na swona mi tshika mufundhisi a endla sweswo, ndzi ehleketa leswaku i ntirho wa yena ku endla sweswo; boti un'wana loyi a pfumalaka swin'wana, a swi tise ekerekeni, loko swi lava ku tekiwa hi ndlela yaleyo.

⁹⁷ Loko kuri ku i munhu un'wana loyi a pfumalaka nakona—nakona mi nga lavi ku teka minyikelo hikokwalaho ka munhu yaloye a pfumalaka, kutani tibodo ti fanele ku hlangana kutani ti pfumelelana ehenhleni ka mintsengo leyi va lavaka ku nyika munhu yaloye ku suka enkwameni. Kambe loko kuri ku nkwama wu le hansi hi nkarhi walowo nakona va nga fikeleli ku swi endla, kutani swi fanele ku yisiwa ehenhla, hi swona, pfumelelani—pfumelelani e... swi pfumeleleni swi vulavuriwa na bodo, ku nyika swileriso eka mufundhisi, kutani mufundhisi a kombeleli nchumu lowu. A nge, “Sweswi, vusiku lebyi (Makwerhu wa hina Jones, u vile na—na nghozi yo chavisa, yindlu ya yena yi tshwile.), kutani vusiku lebyi, tani hi Vakreste, hi famba swin'we, eka un'wana na un'wana wa hina hi endla xitshembhiso xa leswi hi nga swi endlaka ku pfuna Makwerhu Jones kuva a vuyelela eka yindlu ya yena nakambe.” Wa vona, kumbe—kumbe hambi ku ngava yini. Wa vona, hi fa—...hi ta swi endla sweswo. Sweswo swi fanele ku vuriwa eka platifomo, yaleyo hi yona ndlela yo endla sweswo. Kutani switshembhiso a swi nyikiwe, kutani swi hundziseriwa eka mukhomi wa nkewama wa kereke. Nakona switshembhiso leswi swi ta hakeriwa hi mukhomi wa nkewama wa kereke, na ku nyiketiwa eka vona. Nakona—nakona mi nyika munhu wa kona xilipi xa swona, hikuva a ndzi swi tivi loko kuri ku sweswo swa kokeriwa xibalo kumbe ee; ndzi tshembha leswaku i swa swin'wana swo kota sweswo.

⁹⁸ Sweswi, kambe loko swi ta eka tani hi—hi loko muluveri a nghena, muluveri a nghena tani hi loko a... Wanuna a nghena kutani a ku, “Hi swona, ma swi tiva kuri i yini? Ndzi—ndzi—ndzi le rendzweni nakona ndzi bulukeriwile hi thayere, na swona ndzi lava thayere rintshwa. Ndzi tekeleni minyikelo vusiku lebyi ya thayere rintshwa.” Sweswi, sweswo a swi fanelanga ku endliwa. Ee, sweswo a swi fanelanga ku endliwa. Nakona loko swi tikomba swi ri—loko swi tikomba swi ri nchumu lowu nga ringanelia, swa munhu un'wana loyi mi n'wi tivaka, bodo yi nga hlangana kutani yi veka ntsengo wo karhi wa mali ku

suka eka mukhomu wa nkwama ku xavela wanuna yaloye thayere kumbe hambi ku ngava kuri yini. Kumbe hambi loko nkwama wa kereke wu ri ehansi, nakona swi kunguhatiwile hi bodo leswaku leswi... Mufundhisi a nga fanelanga kuva na nchumu xo xi endla eka leswi, e—e i madiyakoni lava va faneleke ku endla leswi, wa vona, kumbe tibodo. Kutani sweswi loko leswi... Loko swi pfumeriwile, kutani swi nyikeni mufundhisi, mufundhisi a nga teka minyikelo. Kambe, xiyisisani, loko kuri muluveri, ku ri mhangu ya xitshuketa, nakulorhi a lava mali nyana nakona mi swi twa leswaku i xivangelo xa kahle, (sweswi lawa i mavonelo ya mina), loko kuri swa xivangelo lexinene nakona mi swi tiva leswaku i swa xivangelo lexinene...

⁹⁹ Sweswi, xo sungula, loko mi ya le henbla kutani mi langutisa etibukwini ta mina endlwini, ta vanhu lava va hundzaka kutani va ku, “Ndzi Mufundhisi *Swingere-ngere* ku suka eka kereke leyi *yokarhi-karhi*, na swona ndzi—ndzi vile na xiphiko ku rhelela hi patu lahwani, na swona ndzi—ndzi lava sete ya mathayere,” ndza swi tiva leswaku ndza ha ku huma enhlengeletanweni na kuva na minyikelo, kumbe swin’wanyana swo tani hi sweswo, a ndzi ta n’wi nyika yona, ku suhi na, kuya kuma sete ya mathayere. Nakona langutisani eka timinetse, a ku se tshama kuva na ministara wo tani hi yaloye, a ndzi kalanga ndzi tshama ka ndhawu yo tani hi yaleyo. Na swona kuna khume kumbe makume mbirhi wa magidi ya tidolara etibukwini ku sukela eka malembe lawa ndzi nga nyikela kukotisa sweswo, ndzi nga kali ndzi tiva nchumu hi tona leswaku a ti ri kwihi. Ndzi tile ndzi ta kuma leswaku, tiministara letin’wana ti ri, “Hikokwalaho ka yini, u ndzi endlerile *swingere-ngere* na *swingere-swonghasi*.”

¹⁰⁰ Sweswi, kereke a yi na vutihlamuleri, eka va yona ntsena. Sweswo swi lulamile. Va yona n’winyi, yi na vutihlamuleri.

¹⁰¹ Kambe loko swi tikomba kuri na xivangelo xo ringanelu, nakona loko n’wina, e, loko n’wina mathirasti mi nga ku, “Hi swona, sweswi yimani nyana. Wanuna loyi, hi *luya* lahaya, movha wa yena wu lahaya, leswi i, swi humelerile, na *leswi*. A hi swa nhlengeletano ya hina, wa vona, kambe hi swona.” Kutani loko va lava ku swi endlisa xisweswo, nakona va nga vula swin’wana swo hlawuleka hi munhu wa le handle...

¹⁰² Ku ngari wa hina, sweswi, wa vona, ku ngari vanhu va hina vinyi, vanhu va hina vinyi a va ta tekeriwa kwala xikarhi ka va vona—va vona vinyi, vaboti va vona lahwani, wa vona.

¹⁰³ Kambe loko kuri munhu un’wana wa le handle, nakona nakulorhi a ku u twa ndlala kumbe...nakona munhu un’wana a lava ku fikelela endzeni ka xikhwama xa yena kutani a n’wi nyika mihanano, sweswo swi le ka n’wina, kambe ndzi vulavulela ku suka ekerekeli. Kutani loko vanhu va kereke va *komberiwile* ku nyikela, kutani...

¹⁰⁴ Sweswi, loko mi ri na muevhangheli, hakunene, kona kwala a ri karhi a chumayela, kutani mi teka...mi...sweswo swa twisiseka loko a nga se ta, ma swi tiva, leswaku mi ta n'wi nyika minyikelo, kumbe ku n'wi hakela muholo, kumbe hambi ku ngava yini leswi a lavaka ku swi endla.

¹⁰⁵ Kambe loko munhu yaloye a ri lahawani, nakona swi ri swa xivangelo lexinene, nakona mufundhisi...nakona bodo yi lava ku pfumela na ku byela mufundhisi ehenhleni ka swona, kutani mufundhisi a nge, “Munhu *wokarhi-karhi* u tshamile lahawani, a hi n'wi tivi wanuna wa kona, u nghenile a ta hi kombela ku... u vula leswaku vana va yena va sika. A hi na nkarhi... a hi vanga na nkarhi wo lavisia e—e—e—e—e xikoxo.” Wa vona?

¹⁰⁶ Loko kuri na swin'wana swo tani hi sweswo, kutani va hina—va hina... Loko kuri na swin'wana exikarhi ka va hina vinyi, va hina—va hina vinyi madiyakoni va ta lavisia swikoxo sweswo. Wa vona? Kutani loko kuri ku swi ringanelanga, mi nga swi endli, a mi fanelanga ku swi endla. Kambe sweswi loko kuri ku i wanuna lahawani, mi—mi pfumelela mufundhisi a ku, “Sweswi, bodo ya mathirasti yi ndzi byerile leswaku a va nga n'wi tivi munhu loyi. Kambe wanuna wa kona u tshamile lahawani, u ri vito ra yena i Jim Jones,” kumbe hambi ri ngava mani, “nakona u tshamile kona kwala. Xana u nga yima, Nkul. Jones? Sweswi, Nkul. Jones, emakumu ka ntirho, u yima ntsena le rivantini ra le ndzhaku, loko u ri karhi u humela ehandle. Na swona loko mani na mani a titwela embilwini ya yena, kumbe swin'wana na swin'wana leswi mi lavaka ku swi endlela wanuna loyi, n'wi nyikeni loko mi ri karhi mi ya ehandle.” Xana sweswo swi twisisiwile, sweswi?

¹⁰⁷ Xana mi swi kumile sweswo eka ta n'wina? Eka lava nga eka thepi... Nakona un'wana wa... Makwerhu Collins u swi hupile eka thepi ya yena. Ndzi lava ku vuyelerisa ntshaho walowo nakambe loko... hikuva hi un'wana wa madiyakoni.

¹⁰⁸ Loko—loko ku ngava kuri na un'wana na un'wana wa, un'wana wa vavanuna a nghena loyi n'wina...nakona a ri eka mhangu ya xitshuketa nakona a lava minyikelo ku suka eka kereke, pfumelelani mathirasti kumbe madiyakoni ma hlangana kun'we, na ku pfumelela...va hlangana kun'we, kutani va endla xiboho lexi, kutani va byela mufundhisi leswaku swi nga endliwa kukotisa *leswi*. Va pfumeleleni... Pfumelelani mufundhisi a vula leswaku “Wanuna loyi wo karhi,” a n'wi vitana hi vito, “a hi n'wi tivi. Na swona maendlele ya hina lahawani i ku lavisia loko hi nga se teka minyikelo ya vanhu, nakona, valava hi, lava va nga va hina vinyi. Kambe wanuna loyi lahawani, u vula leswaku u chayile, u vile na mhangu ya xitshuketa, u na vana lava vabyaka, yena, u le ku ringeten i ka ku kumela vana va yena murhi,” kumbe hambi ku ngava yini, mhangu ya xitshuketa. “Sweswi, u yimile kona kwala, Xana u nga yima, nkulukumba?” Wa vona, kutani a n'wi pfumelela a yima. Kutani a ku, “Sweswi n'wina vanhu ma

swi vona leswi... hi yena mani. Sweswi, eku pfariweni ka ntirho lowu wanuna loyi u ta yima lahaya erivantini ra le mahlweni, kutani vanhu lava humelaka ehandle, lava mi twaka leswaku mi lava ku nyikela eka leswi, mi ntshunxekile; hi swi tivisile ntsena ekerekeni." A mi le ku swi siveleni, ntsena mi le ku swi tiviseni. Wa vona, sweswo i malwandla eka muluveri. Wa vona? Ma swi twisia sweswi? Swi lulamile.

¹⁰⁹ Ndzi ehleketa leswaku sweswo swi tshamisekisa xivutiso xexo.

230. Xana u ri yini mayelana na tithepi? Sweswi. **Tani hi leswi... Xana u ri yini mayelana na tithepi?** Xi na xihikahato xa xivutiso. Tani hi leswi, votala va tsalelaka hofisi na ku sola wena hikokwalaho ka micingiriko leyi nga ka tithepi. Na swona, mayelana na van'wana kwala kerekene lava xavisaka tithepi, loko kuri Nkul. Maguire a fanele ku hakela ntsengo wo karhi eka vona.

¹¹⁰ Swi lulamile. Tithepi ti hi kontiraka. Kutani loko ndzi... A ndzi swi tivi hi ku hetiseka leswaku kontiraka yi hela rini, kambe mathirasti, leswi swi wela eka mathirasti; ku ngari madiyakoni, mathirasti; ku ngari mufundhis, mathirasti. Mathirasti, minkarhi yo tala, va—va tsala kontiraka, tani hi laha ndzi swi twisisaka hakona. Kutani loko leswi—leswi swi hoxekile, kutani mathirasti a ma lulamisi. Mathirasti lama ma na ntwanano na munhu loyi a nga ku endleni ka tithepi, nakona tithepi leti ti hi mpfumelelo wo xavisa.

¹¹¹ Ku hava un'wana loyi a nga endlaka tithepi handle kova swi pfumeleriwile hi munhu loyi a nga na mpfumelelo wo xavisa, nakona ti ngaka ti nga xavisiwi handle kova swi pfumeleriwile hi munhu loyi a nga na mpfumelelo wo xavisa, hikuva walowo i nawu, wa vona, leswaku mpfumelelo wo xavisa wa wu khoma. Wa vona? Kutani loko mpfum... loyi a nga khoma mpfumelelo wo xavisa a lava ku pfumeleri *Swingere-ngere* a endla tithepi, sweswo swi le ka yena. Loko a lava ku pfumeleri munhu un'wana na un'wana ku endla tithepi, sweswo swi le ka yena; loko a lava ku pfumeleri munhu un'wana na un'wana ku xavisa tithepi, sweswo swi le ka munhu loyi a nga khoma mpfumelelo wo xavisa. U fanele kuva na—na xipapilani xo tsariwa lexi nga sayiniwa ku suka eka mukhomu wa mpfumelelo wo xavisa, ku endla na ku xavisa tithepi, hikuva ku suka kwalano u basile hi nawu. Hikuva loko a nga swi endla, wanuna loyi, a nga na mpfumelelo wo xavisa eka tona... Kuva n'wina mi rhwele vutihlamuleri, n'wina hi n'wexe, eka e... (Loko kova kuri na—na munhu wo nyangatsa loyi a lavaka ku vanga xiphijo, hakunene a ta xi endla.) mi hundza hi le ka mpfumelelo walowo wo xavisa, hikuva sweswo swi kotisa mfanelo yo humelerisa, ma swi vona, i nichumu wun'we. A mi pfumeleriwanga ku swi endla; i ndzihlo lowukulu ku endla sweswo.

¹¹² Swingaleswi loko kuri ku vanhu va le ku endleni ka tithepi, kumbexani va na ntwanano ku suka ka Nkul. Maguire loyi—loyi a nga na . . . loyi—loyi a kokaka mintsengo yo karhi eka tithepi. Kutani sweswi . . . nakona a ndzi swi tivi mayelana na sweswo, hikuva a ndzi kona hi ku ringanelahawani na n'wina kuva ndzi nga tiva loyi swilo leswi swi nga swa yena, na loyi swi nga tava swi kongomisiwile eka yena. Ndzi tshembha leswaku Nkul. Maguire wa ha ri na wona, hikuva le handle, ndzi le California kumbe Arizona, laha ndzi nga kona, ndzi twisisa leswaku va ha tama va xava tithepi ku suka eCalifornia. Makwerhu Sothmann, mukon'wana wa Nkul. Maguire, loyi a nga boti wa hina kwala kerekeni. Ndzi ehleketa leswaku Nkul. Maguire wa hari na wona, e—e mpfumelelo wo xavisa eka tona.

¹¹³ Kutani sweswi, ku vile na swivilelo nkarihi hinkwawo eka ku endliya ka tithepi. Sweswi, loko kuri na xivilelo eka xin'wana na xin'wana mayelana na swa timali ta kereke leyi, i ku bohiwa hi ntirho ka mathirasti ku vona leswaku nchumu walowo wa basisiwa. Wa vona? A ku fanelanga, hi tindlela hinkwato, kuva na xin'wana na xin'wana.

Sweswi ma swi vona lahawani, ka vuriwa eka khadi leri lahawani, leswaku:

Va tsalela hofisi na ku sola wena.

¹¹⁴ Hi ntiyiso, ndzi vile na mapapila yotala eka swona, nakona va lava ku tiva leswaku hikokwalaho ka yini va nga koti ku kuma tithepi ta vona. Sweswi ma yi tiva kontiraka ya n'wina na loyi a nga na mpfumelelo wo xavisa, tani hilaha ndzi twisisaka . . . Tithepi, a ndzi—ndzi lavi nchumu xo xi endla hi tona, mina n'winyi, loko mani na mani a nga tirhisa tithepi ku yisa Evhangeli emahlweni, "Amen!"

¹¹⁵ Kambe, xo sungula, Makwerhu Roberson na lavan'wana va sungurile ku ti endla, Makwerhu Beeler na van'wana va vona va sungurile ku ti endla; ku landzela majaha lavaya vambirhi, Makwerhu Mercier na Makwerhu Goad, va ti endlile malembe yo hlaya; na swona, hakunene, loko un'wana na un'wana wa vavanuna a tava a ti endlile, ku vile na swivilelo eka un'wana na un'wana. Kambe, swi tikombile lahawani sweswi nyana, ku vile na xivilelo lexikulu mayelana na kuva va nga ti kumi tithepi ta vona. Vanhu va ndzi fonerile hi ku rhendzeleka na tiko. Kutani yin'wana, a kuri, tithepi leti nga kandziyisiwa ra vumbirhi leti nga ta tlanga nchumu wun'we eka minete yin'we, kutani wu tlanga nakambe eka yin'wana, nchumu wun'wana, kutani a va swi koti na ku twisisa leswi ti nga swona.

¹¹⁶ Sweswi, vanhu lava va hakelelaka tithepi leti va fanele ku kuma thepi ya xiviri. A ndzi na mhaka leswaku va fanele ku endla yini kuva va ti kuma, hi lava ku vona tikhasimendhe ta hina na vaboti va hina (lava va nga tikhasimendhe ta hina na vaboti va hina, ku yisa emahlweni), va fanele kuva na "A-

nomboro-1” ya thepi. Sweswi, n’wina mathirasti mi vonana na sweswo, leswaku vanhu lava va enetekile. Loko va nga enetekanga, mali ya vona yi fanele ku tlheriseriwa ka vona xikan’we-kan’we.

¹¹⁷ Kutani un’wana u ndzi fonerile, nakona va ku va yimerile tithepi ku ringana tin’hweti. Sweswi, a ndzi tivi hilaha Makwerhu Maguire a langutisanaka na leswi. A ndzi—ndzi swi tivi hi mayelana na sweswo, tani hilaha ndzi nga tiviki nchumu mayelana na swona. Nakona ndzi... A hi bindzu ra mina ku tiva nchumu mayelana na sweswo, i bindzu ra yena na vona na mathirasti. Nakona a ndzo ringeta ku ngenelela eka swona, kambe ntsena ndzi ringeta ku mi byela leswi nawu wa swona wu nga xiswona. Wa vona? Nawu wa swona hi leswaku tithepi leti, ku sukela nkarhi lowu va nga rhumela hikokwalaho ka tona, tona tithepi ti fanele kuva endleleni ya tona ku nga se hela siku, kumbe manharhu, kumbe mune, kumbe ntlhanu wa masiku; endzhaku ka loko va rhumerile hikokwalaho ka tithepi, swi fanele kuva eposweni kumbe mpfumelelo wo xavisa wu nga herisiwa nkarhi wihi na wihi loko mintshamiseko leyi yi nga yingisiwanga. Wa vona?

¹¹⁸ Sweswi, na ntsevu wa tin’hweti tin’wana na tin’wana kumbe lembe, leswi swi fanele ku pfuxetiwa, ntwanano lowu wu fanele ku pfuxetiwa. Mi fanele ku hlangana siku leri *ro karhi* leri mpfumelelo lowu wo xavisa wu vulaka leswaku mi fanele ku hlangana hi rona. Kutani ku fanele kuva tano, leswaku, vanhu van’wana va fanele ku ta hi nkarhi walowo, na swona mi fanele ku lemukisa van’wana lava a vari karhi va vutisa mayelana na tithepi, kutani mi nghena na ntwanano wa vona na ku tshama ehansi mi vulavurisana hi wona.

¹¹⁹ Sweswi, mintshamiseko leyi yi fanele ku endliya! Wa vona? Nakona yi fanele ku endliya kahle, hikuva i ku vilela. Va vilerile hi Leo na Gene, va vilerile hi mani na mani, i ku vilela hi Makwerhu Maguire, na swona ku tava na ku vilela hi munhu un’wanyana, kambe a hi kumeni leswi ku vilela ku nga xiswona.

¹²⁰ Sweswi, kambe loko tithepi ti sungula ku fumbiwa, mabokisi ya tona, mapapila hi madawuzeni ya ri karhi ya chululekela endzeni, nakona va... Wa vona, a swi weli endzhaku ka muendli wa tithepi, swi wela ka mina. Va tshamela ro ndzi holovela hi mayelana na swona. Sweswi, i ntirho wa mina tani hi Mukreste ku vona leswaku vanhu lava va kuma leswi va swi hakelelaka, nakona ndzi lava leswaku n’wina mathirasti mi vona leswaku va swi kuma. Loko kuri va fanele ku koxa mali yotala, va kuma thepi yo antswa, va kuma muchini wo antswa, hi lava leswaku munhu un’wana loyi a endla thepi yaleyo loyi a yi endlaka kahle. Sweswo hi leswi hi swi tsakelaka. Thepi yi fanele ku endliya kahle! Na swona khasimendhe yi fanele ku eneteka, kumbexani ku yimisiwa nchumu hinkwawo wa tithepi xikan’we, a hi ngevi na tithepi, ntsena ku pfumelela mani na mani a ti endla loyi a

swi lavaka. Kambe loko kuri ku va ta koxa mali eka tona, a va voni leswaku va kuma leswi va nga swi hakelela, hikuva byebyo i Vukreste. Sweswo a swi tluli ku endla . . .

¹²¹ Kutani loko va ta lahawani ku ta yingisela Evhangheli, ndzi lava ku va nyika swo tlurisa leswi ndzi tivaka ku va nyika hakona, wa vona, nakona loko va ta lahawani ndzi lava ku vona leswaku un'wana na un'wana na hinkwaswo swi yisiwa emahlweni. Xexo hi xona xivangelo xova ndzi byela n'wina madiyakoni, mathirasti, na vafundhisi, vusiku lebyi lahawani, leswaku mi fanele ku endla leswi ku fika eka letere, hikuva vanhu va le kuteni lahawani ku ta kuma Xikwembu, nakona hi fanele kuva na swilo leswi hi ntshamiseko.

¹²² Na swona tithepi ti fanele ku vekiwa endhawini. Loko kuri va fanele ku koxa mali yotala, loko va ri na tithepi ta ntlawa wa le hansi leti va ti tlangaka, kutani kumani tithepi to antswa. Loko kuri va fanele ku koxa mali yotala eka tona, koxani mali yotala eka tona, pfumelelani munhu yaloye a kuma leswi va koxelaka swona.

¹²³ A ndzi na ku tsakela na kuntsongo eka ntsengo wo karhi, ku ngari peni na yin'we, na hambi kuri tabernakele a yi na ku tsakela; a ndzi swi lavi kuva mi va tano. Mi ngavi na ku tsakela ka sweswo, ka—ka mintsengo yo karhi. Loko va ngava va hakerile wo karhi, ndzi tshembha leswaku mi ta faneli ku teka ntsengo wo karhi lowuntsongo hi mhaka yo va wu endliwile lahawani. Ndzi ehleketa leswaku sweswo hi swin'wana leswi va nga swi vula, Nkul. Miller, na lavan'wana, mayelana na nawu, hi vile na, ku teka mintsengo yokarhi kumbe swin'wana. Sweswo swi le ka n'wina hinkwenu ku vona sweswo. A swi le ka mina, ndzi hava nchumu xo xi endla hi—hi leswi swi nga vekiwa kun'we; n'wina hinkwenu mi vonana na sweswo. Ndzi ngaka ndzi nga vonani na swona hinkwaswo, ntsena ndzo mi byela hi ndlela leyi swi faneleke kuva hakona na hilaha swi faneleke ku fambisiwa hakona. Sweswo . . . Mi twisia, ndzi te "swi fanele ku fambisiwa hakona." Swingaleswi hi lava leswaku leswi swi fambisiwa kahle.

¹²⁴ Kutani loko kuri ku va fanele kuva na muchini wo antswa kuva va yi teka, kutani kumani muchini wo antswa. Loko kuri ku ku fanele kuva . . . Sweswi, ndzi teri eka vona, ndzi teri, "Yin'wana na yin'wana nhle—. . . ntirho wa vurhumiwa lowu ndzi ya ka ensin'wini, loko ndzi nga se famba, ndzi ta mi lemukisa leswaku i minchumayelo yihi leyi ndzi nga ta yi chumayela kwalahaya ehandle, nchumu wun'wana lowu ku nga khale ndzi . . ." Na swona ndzi mi tshembhisile hinkwenu, laha ndzi nga ta tlhela ndzi teka vusiku bya Sonto nakambe, leswaku "Loko ndzi nga se chumayela hungu rihi na rihi rintshwa, ri ta huma eka tabernakele leyi ku sungula, hikuva va tikomba va kuma nkandziyiso wo antswa." Ma swi tsundzuka sweswo? Kutani leswi ndzi taka lahawani, ndzi chumayela mahungu

ya mina, kutani ndzi tlhelela ehandle ndzi ya lemukisa n'wa tithepi leswaku i mintirho yihi. Va ndzi vutisa, "Xana hi wahi? Xana u ya chumayela hi yini?" Ndzi n'wi byerile, "vusiku *lebyi* ndzi famba na *swingere-ngere*, vusiku *lebyi*, *swingere-ngere*," leswaku va ta kota ku yi endla na kuva yi lulamela kuva khasimendhe yi ta yi kuma kwalahaya; va yi kuma va va na yona, thepi yo antswa ku tlula leyi va nga na yona le nhlengeletanweni, hikuva yi endliwa kona kwala tabernakeleni laha mimpfumawulo yi nga kahle. Wa vona?

¹²⁵ Sweswi, sweswi kuya eka vuevhagheli lebyi lebyikulukumba, leswi ndzi ya ka ndzi ya swi endla entsungeni wa malwandle sweswi na swilo, ndzi ngaka ndzi nga swi tsembhisi sweswo, ma swi vona, ndzi ngaka ndzi nga tsembhisi leswaku ndzi ta chumayela hungu ra mina ro sungula lahawani. Hikuva loko u chumayela kwala kusuhi, mahungu, u fanele kuva na xin'wana lexi nga... Ri hundzuka ra khale eka wena, na swona ri hundzuka ri boheka ku hundzuka ra khale eka lava nga ri yingisela. U fanele ku endla swin'wana swo hambana, ma swi vona, na ku tisa ntsena tani hilaha Hungu ri nga *kwalahaya*. Kambe va pfumeleleni va veka muchini ensin'wini, kumbe hambi ku ngava yini, lexi nga ta teka tithepi leti hi ku hetiseka.

¹²⁶ Nakona mi endla thepi yo hetiseka, na swona thepi yin'wana na yin'wana yi tlangiwa nakambe na ku kambisisiwa loko yi nga se famba, kumbexani mi yimisa nchumu hinkwawo; mi nga ha kali mi va na nchumu wo wu endla, mi pfumelela munhu un'wana na un'wana a endla thepi ya yena n'winyi. Wa vona? Kambe yi endleni kahle, wa vona, leswaku xivilelo lexi xi ta yima. A ha ha lavi swivilelo na swintsongo. Loko kuri na xivilelo, a hi vonaneni na xona, kutani hi heta hi xona.

¹²⁷ Sweswi, ndzi ta hatlisa hi xihatla hilaha ndzi nga ta kota hakona. Billy wa hari na swivutiso swin'wana swimbirhi lahawani, kumbe swinharhu, kutani hi tava hi hetile.

231. I ku fika kwihi, Makwerhu Branham, laha mudiyakoni a nga kumbe a faneleke ku hlayisa ntshamiseko ekerekeni? Xana hi fanele ku hlayisa ntshamiseko kumbe hi yima kukondza Makwerhu Neville a hi byela leswi hi faneleke ku swi endla-ke?

¹²⁸ Walowo a hi ntirho wa Makwerhu Neville, walowo i ntirho wa n'wina. Wa vona? A mi n'wi byeli Makwerhu Neville leswaku u fanele ku chumayela hi yini, hilaha a faneleke ku swi chumayela hakona. Wa vona, walowo i ntirho wa n'wina, n'wina madiyakoni, mi fanele ku swi endla sweswo. N'wina mi vonana na sweswo. Sweswo a hi nchumu eka Makwerhu Neville, walowo i ntirho wa n'wina. Wa vona?

¹²⁹ Sweswi, loko phorisa ri ri ehandle lahawani exitarateni kutani ri vona wanuna a ri karhi a yiva nhundzu endzhaku ka

movha, xana ri fanele ku fonela meyara kutani ri ku, "Sweswi, Meyara, Muchaviseki, nkulukumba, ndzi tirhela wena laha eka vuthu leri ra maphorisa; sweswi, ndzi kumile wanuna kwala xitarateni, u le—a ri eku yiveni ka mathayere man'wana ku suka emovheni vusiku lebyi nga hundza; sweswi, ntseña ndza tivutisa, xana hi wahi mavonele ya wena eka sweswo?" Ahaa! Wa vona? Wa vona, sweswo swi tava swi nga twali. A hi swona? Ee, nkulukumba. Loko kuri ku a ri eku endleni ka swin'wana swo hoxeka, n'wi khome.

¹³⁰ Nakona loko wanuna a ri karhi a endla nchumu wun'wana wo hoxeka kwala kerekene, kumbexani un'wana na un'wana, va yimiseni, mi vulavula na vona. Mi nga honisi; kambe loko kuri ku a va yingisi, vulavulani hi ndlela leyi va nga ta swi tiva leswaku mi vula yini. Wa vona? Wa vona, tani hi loko mi byela n'wana, mi ku, "Famba endzhaku endzhaku lahaya," nakona a ri eku phungheleni. Madiyakoni, tshamani endhawini ya n'wina! Vekani... Kuna mune wa n'wina, a ku tshami vambirhi emahlweni na vambirhi endzhaku, etiyinhleni leti kumbe kun'wanyana ko kotisa sweswo. Nakona mi langutisa hi vukheta, hikuva vagwinihi na leswin'wana hinkwaswo swi nghena kukotisa leswi, ma swi vona. Kutani mi pfula mahlo, mi ya ntirhwени wa n'wina na ku tshama kwalahaya, hi xona xitulu xa n'wina; kumbe mi yima kwalahaya tlhelo ka khumbhi kutani mi langutisa un'wana na un'wana loyi a nghenaka.

¹³¹ Madiyakoni u hlayisa yindlu ya Xikwembu. Loko un'wana a nghena, vulavulani na vona; mi va kona kuva mi va xeweta, mi qhavula voko ra vona. Sweswo hi leswaku, u phorisa, "Xana hi nga mi kombeta kamara yo veka mabaji?" kumbe "Xana mi nga tshama ehansi?" "Xana hi nga mi nyiketa buku ya tinsimu kumbe swin'wana?" kumbe "Sweswi hi nga tsakela kuva mi tiphina lahawani, na—na ku khongela, na—na swona hi tsakile kuva mi ri kwala na hina vusiku lebyi." Va rhangeleni kuya endhawini yo karhi, kutani mi ku, "Xana mi nga tsakela kuva ekusuhi kumbe mi nga tsakela kuva endzhaku lahawani?" kumbe kun'wana na kun'wana. Yalawa i malwandla.

¹³² Phorisa (kumbe mudiyakoni) i phorisa ra nyimpi eka vuthu ra masocha, malwandla, kambe hambi swi ri tano hi matimba. Wa vona? Ma swi tiva leswaku phorisa ra nyimpi i yini, kahle-kahle i, loko ri tirhisa tinfanelo ta rona, ndzi ehléketa leswaku ri va tani hi mufundhisi. Ma swi vona? I malwandla na hinkwaswo, kambe hambi swi ri tano ri na matimba. Wa vona, mi fanele ku ri tekela enhlokweni. Wa vona, ri veka... Va-mafika-tolo lava va ya le handle va ya pyopyiwa, hikokwalaho ka yini, u va veka endhawini ya vona. Kutani na yena mudiyakona u fanele ku va veka endhawini ya vona.

¹³³ Sweswi, tsundzukani, mudiyakoni i phorisa, na swona hofisi ya mudiyakoni yi na vuxopaxopa ku tlula hofisi yin'wana na yin'wana ekerekeni. A ndzi tivi hofisi yin'wana yi nga na

vuxopaxopa ku tlula hofisi ya mudiyakoni. Hi swona sweswo, hikuva u na—u na ntirho wa xiviri, nakona hi yena wanuna wa Xikwembu. Hi yena wanuna wa Xikwembu ntsena kukotisa hilaha mufundhisi a nga wanuna wa Xikwembu. Hakunene, hi yena. Hi yena nandza wa Xikwembu.

¹³⁴ Sweswi mathirasti, nchumu wun'we ntsena, va le hansi ka ntirho hi Xikwembu ku vona swa timali na ku hlayisa sweswo, swilo leswi ya ka emahlweni kukotisa sweswo. Ndzi mi byerile hi mayelana na tithepi, na—na hi mayelana na swilo swin'wana lahawani leswi yaka emahlweni, mayelana na muako na swo lunghisa, na ku teka swa timali na swin'wana, sweswo hi—sweswo hi leswi va nga mathirasti ya swona: nhundzu, swa timali na swin'wana. Madiyakoni ya hava nchumu xo xi endla eka sweswo. Na wona e—e mathirasti ya hava nchumu xo xi endla hi hofisi ya madiyakoni.

¹³⁵ Sweswi, loko madiyakoni ma lava ku kombela ku pfuniwa hi mathirasti eka swin'wana na swin'wana, kumbe—kumbe mathirasti hi madiyakoni, kutani hinkwenu mi ri karhi mi tirha swin'we . . . Kambe yaleyo i mintirho ya n'wina, i ku hlawulela ehandle. Wa vona? Swi lulamile.

¹³⁶ Sweswi, ee, mi nga n'wi vutisi Makwerhu Neville. Loko Makwerhu Neville a mi kombela kuva mi endla swin'wana, kutani yaloye i—yaloye i mufundhisi wa n'wina, hi malwandla na rirhandzu na hinkwaswo . . . Loko a nga ku, “Makwerhu Collins, Makwerhu Hickerson, Makwerhu Tony, kumbe munhu un'wana, xana u nga vona leswaku i yini swi nga hoxeka endzhaku lahaya yinhleni?” Eka ntirho wo kotisa walowo, ma swi tiva, tani hi wanuna wa ntiyiso wa Xikwembu.

¹³⁷ Tsundzukani, a mi tirheli Branham Tabernakele, na swona a mi tirheli Makwerhu Neville kumbe mina, mi tirhela Yesu Kreste. Wa vona? Mi . . . Yaloye hi Loyi mi faneleke ku . . . Nakona U—U hlonipha ku tshembheka ka n'wina ntsena tani hilaha A nga xiswona eka mufundhisi yaloye kumbe munhu un'wana, U languterile ku tshembheka ka n'wina! Kutani hi lava ku komba ku tshembheka ka hina.

¹³⁸ Sweswi, nkarhi wun'wana swa nonoha. Swa ndzi tikela ku vona ministara a tshamile kwalahaya loyi ndzi n'wi rhandzaka hi mbilu ya mina hinkwayo, ntsena ndzo fanela ku n'wi byela; wa vona, kambe hi ndlela ya rirhandzu, ndzi humesele voko ehandle ku n'wi pfuna. Kambe, wa vona, nakona va ta ka mina kutani va ku, “Makwerhu Branham, ntsena u munhu wa kahle, hikokwalaho ka yini u nga xaveleli swintsongo eka nkhuvulo walowo, na le ka *leswi*, *sweswo*, na *leswin'wana*, na vusirheleli byebyo, na mbewu ya nyoka?”

¹³⁹ Ndzi ri, “Boti, ndza ku rhandza, kambe sweswi a hi te— . . . ntsena teka Matsalwa kutani u vona leswaku i mani a nga lulama kumbe ku hoxisa.” Wa vona, ndzi fanela ku kota ku . . .

¹⁴⁰ “Oho, sweswi, Makwerhu Branham, ndza ku byela, wa hoxisa eka hinkwaswo.” Wa vona, a sungula ku hahela ehenhla.

¹⁴¹ “Oho,” ndzi ku, “hi swona, kumbexana ndzi tano. Kutani, loko ndzi ri tano, hakunene (nakona u byela mina, u le...wa ku tiva laha ndzi hoxisaka kona), kutani u ndzi komba laha ndzi hoxisaka kona.” Nakona ndzi tiyimiserile ku swi teka, wa vona.

¹⁴² Nchumu lowu fanaka, “Heyi, a swi lavi wena ku byela n’wana yaloye kuva a tshama ehansi.” Sweswi, mudiyakoni i e—i e mulanguteri wa yindlu ya Xikwembu. Wa vona? Sweswi loko mi... U hlayisa yindlu ya Xikwembu na ku yi veka eka ntshamiseko. Sweswo hi leswi Matsalwa ya swi vulaka, nakona loko kuri ku mi na swin’wanyana leswi mudiyakoni a faneleke ku swi endla, tanani mi ta byela mina. Wa vona, hi walowo nchumu lowu fanaka, kambe walowo—walowo i ntirho wa n’wina ku endla sweswo, ina, ntsena ku seketela.

¹⁴³ Na swona a mi fanelanga ku vutisa munhu, walowo—walowo kova ntirho wa n’wina. Makwerhu Neville a nga vutisi munhu, kereke a yi boheki ku vutisa... Ndzi vula, e—e—e mathirasti a ma boheki ku ya ma ya vutisa Makwerhu Neville loko—loko kuri ku u lava leswaku lwangu ri tlhandelekiwa etabernakeleni. Wa vona? Ee, ee, sweswo a hi nchumu eka Makwerhu Neville, a hi nchumu eka mina, sweswo swi le ka n’wina. Madiyakoni a ma boheki ku...

¹⁴⁴ I ndlela leyi fanaka eka mufundhisi. “Xana u ta chumayela hi yini? A ndzi swi lavi kuri u endla *leswi*.” A swi lavi vona ku vula sweswo, u le hansi ka Xikwembu, wa vona, mufundhisi wa vona. Kutani loko—loko—loko... Makwerhu Neville, u chumayela hungu leri Hosi yi nga hi nyika rona, na swona hi va hinkwerhu hi ri kun’we eka leswi. Nakona loko ndzi byela Makwerhu Neville swin’wana leswi nga hoxeka, Xikwembu xi ndzi vekela vutihlamuleri eka swona. Hi swona sweswo. Wa vona? Swingaleswi Xikwembu i Boso ya swona hinkwaswo. Wa vona? Nakona hi ntirha ntsena tani hi vayimeri va Xona, ma swi vona, ehansi kwala tihofisini leti.

232. Ndzi kombela u hla-...

Xivutiso lexi landzelaka, kutani ndzi ehleketa leswaku hi na xin’wana, kutani hi—hi ta yima.

Ndzi kombela u hlamusela hilaha tinyiko ta tindzimi ti faneleke ku tirha hakona ekerekeni ya hina. Ndzi swi endlile sweswo. Xana hi rini laha kereke yi nga ta vekiwa eka ntshamiseko tani hi...kumbe xana hi kwihi laha tinyiko ti faneleke ku tirha kona? Ha ha ku swi hlamusela sweswo.

233. Ntsena i m-a-k-h-i-s-i-m-u...Xana ma swi vona leswaku sweswo i yini? [Makwerhu Billy Paul a ku, “Swichayachayani.”—Muhleri.] Oho. Swichayachayani.

Xana i swichayachayani swingani leswi hi faneleke kuva na swona ekerekeni handle ka ogene na piyano?

¹⁴⁵ Hi swona, Swi ya hi loko mi ri na bende ya swinari kumbe hambi ku ngava yini leswi mi nga na swona, ma swi vona. A ndzi swi tivi leswaku mi na yini, leswaku leswi swi vula yini, a ndzi swi twisisi. Kambe ogene na piyano i nhundzu ya kereke. Sweswi, loko muyimbelerisi wa tinsimu a nga teka ku twisia kova na tiporopita na tikhonete na swin'wana swo kota sweswo, nakona un'wana a tile ekerekeni kutani a tlanga swichayachayani leswi... Nakona a ri eka bende, kutani—kutani kwalaho, kunene, sweswo i swa mathirasti ma n'wina, ku swi yisa eka mathirasti na ku vona loko va ri na mali yo xava swichayachayani swa vona na swin'wana, kumbe hambi ku ngava yini swo kota sweswo. Ndzi tshembha leswaku sweswo hi leswi xivutiso xa vona xi nga xiswona.

¹⁴⁶ Kambe loko kuri ku va na swichayachayani swa vona vinyi, swi sasekile. Loko kuri ku a va na swona swichayachayani swa vona vinyi, nakona va ri swirho swa bende lahwani, ku ngari kuva munhu a tsutsumela lahwani kutani a tlanga kan'we endzhaku ka nkarhi, ivi a tsutsuma a fambisa sweswo, ku fanele kuva bende ya le kerekeni. Kereke yi ngaka yi nga xavi e—e—e poropita hikokwalaho ka munhu loyi a yi tlangaka lahwani ivi mundzuku na vusiku a tlanga kun'wanyana, na kun'wanyana, kutani a pfa a fika nyana endzhaku ka nkarhi ivi a tlanga swintsongo nyana. Ee, nkulumba. Ku fanele kuva bende ya kwala, bende leyi nga kondleteriwa yi ri na e—e murhangeri, kutani kereke, valavulani na vona mayelana na ku xaviwa ka swichayachayani.

234. Ndzi kombela leswaku u hlamusela hilaha hi faneleke ku... hilaha hina madiyakoni hi nga hlayisaka vanhu eka xivandla xo kwetsima ku nga se sungula kumbe endzhaku... Ndzi kombela leswaku u hlamusela.
[Makwerhu Billy Paul a hlaya xivutiso, “Xana madiyakoni ma va miyetisa ku yini vanhu exivandleni xo kwetsima ku nga se sungula kereke na loko yi humile?”—Muhleri.] Oho, swi lulamile.

¹⁴⁷ Ndzi nga ringanyeta leswi, vamakwerhu. Sweswi, hi walowo nchumu lowukulu. Ndzi navela ingaku a hi ri na nkarhi wo tala ku wu veka eka swona, hikuva i—i... swi—swi vula swin'wana eka hina, wa vona. Sweswi, kereke a hi...

¹⁴⁸ Loko mi lava ku... Loko mi lava ku fambisa thepi leyi vusiku byin'wana na ku yi tlanga emahlweni ka nhlengeletano, leswaku vanhu va ta swi twisia, swi pfumeleleni swi tlangiwa; ntsena xiphemu lexi xa thepi kambe ku ngari swotala, lexi ntsena. Xiphemu xihi na xihi xa leswi lexi mi lavaka leswaku xi tlangiwa hikokwalaho ka nchumu wo karhi, ntsena yanani

emahlweni mi yi fambisa kukondza mi xi kuma, kutani mi xi tlanga. Wa vona, hikuva i swivutiso.

¹⁴⁹ Sweswi, madiyakoni ya kereke, nakona tani hilaha ndzi—tani hilaha ndzi nga vula, i maphorisa ya kereke. Kambe kereke a hi yindlu leyi nga tolloveleka yo khomela tinhlengeletano ta—ta xinakulobye na vunghana na ku titsakisa. Kereke i vukwetsimelo bya Xikwembu! Hi ta lahawani... Sweswi, loko hi lava ku hlangana, ndzi fanele ku ta emakaya ya n'wina, na n'wina mi ta ekaya ka mina, kumbe n'wina mi ya emakaya ya n'wina na ku hlangana hi xin'wina. Kambe ntsena ku titsakisa ku rhendzeleka na kereke, na ku vulavula na swilo swo tani hi sweswo, a swi lulamanga, vamakwerhu; hi ta lahawani, hi susa nchumu hinkwawo emiehlekeweni ya hina. Loko hi nga ta lahawani...

¹⁵⁰ Vonani hi ndlela leyi a hi swi endlisa xiswona malembe lawa ya nga hundza. Sesi Gertie a ri mutlangi wa piyano. Loko ndza ha ri mufundhisi lahawani, a ndzi—ndzi boheka kuva mufundhisi, mudiyakoni, muthirasti, swilo hinkwaswo hi nkarhi wun'we, wa vona, kambe a ndzi—ndzi boheka ku swi endla. Sweswi a mi boheki ku swi endla hi ndlela ya leyo, wa vona, hikuva mi na vavanuna vo swi endla. Kambe loko e... A ndzi ri na tiaxara, Makwerhu Seward na hinkwavo ka vona lava nga le rivantini. A vari na tibuku ti fumbiwile kwalahaya rivantini, ti tshamile exitulwini, kumbe nchumu, wun'wana. Kutani loko munhu un'wana a nghena endzeni, a mi n'wi kombu ndhawu yo hayeka baji ra yena kumbe ku n'wi pfuna kuya exitulwini xa yena, mi n'wi nyika buku ya tinsimu na ku n'wi kombela kuva "exikhongelweni." Kutani un'wana na un'wana a tshama exitulwini xa yena na ku khongela handle ka huwa kukondza kuva nkarhi wo sungula. Wa vona? Kutani hi nkarhi wo sungula, Sesi Gertie, mutlangi wa piyano, a ya kwalahaya na ku sungula vuyimbeleri ku nga se...loko vanhu va ri—va ri karhi va hlengeletana kun'we.

¹⁵¹ Ndzi nga ringanyeta kuva mutlangi wa n'wina wa ogene a ya kwalahaya na vuyimbeleri byin'wana bya kahle. Loko a hluleka kuva lahawani, byi hoxeni eka thepi kutani mi byi tlanga, kumbe nchumu wun'wana. Kutani mi va na vuyimbeleri, vuyimbeleri byo hlawuleka na ku tsokombela hi xiviri byi ri karhi byi ya emahlweni. Swingaleswi... Kombelani vanhu... Nakona loko vanhu va sungula ku vulavula na ku ya emahlweni kukotisa sweswo, a kuve na mudiyakoni un'we a nga ta yima eka xo vulavulela kwala desikeni kutani a ku, "xi, xi, xi," kukotisa sweswo. A ku, "Laha etabernakeleni, hi—hi lava leswaku mi ta eku gandzeleni. Hi nga bi huwa sweswi, yingiselani vuyimbeleri. Kumani switulu swa n'wina, mi tshama ehansi, mi va na xichavo wa vona, mi khongela kumbe mi hlaya Bibele. Leswi, exivandleni xo kwetsima lahawani, hi laha Hosí yi tshamaka kona. Kutani hi lava leswaku munhu un'wana na un'wana a va na xichavo na swona a gandzela, ku ngari ku tsutsuma-tsutsuma, ku vulavula

ntirho wu nga se sungula. Tihlengeleteni hi n'wexe, kutani mi ta lahwani mi ta vulavula na Hosi. Wa vona? Swa antswa mi khongela mi miyerile, wa vona, kumbe mi hlaya Bibele ya n'wina.”

¹⁵² Loko ndzi ya ekerekeni ya Marble ehenhla lahaya e... Norman Vincent Peale, mi twile hi ta yena, ma swi vona. Kutani ndzi yile eka... Mutivi wa swa miehleketo lonkulu, mudyondzisi, ma swi tiva. Kutani ndzi yile ekerekeni ya yena, ntsena ndzi ehleketele, kwalahaya, “A ndzi navela ingaku tabernakele ya mina yi nga endla sweswo nakambe.” Madiyakoni ma yima kwalahaya rivantini ntsena loko wa ha ku nghena endzeni. Vona, hakunene, va ku nyika xilipi xa xikolo xa Sonto, va ku rhelerisa le hansi. A boheka ku yi chulula ka nharhu, ma swi tiva, yi khoma kwalomu ka mune kumbe ntlhanu wa madzana ya vanhu ntsena, ma swi tiva; na swona New York i ndhawu leyikulu, nakona u wanuna wo duma. Nakona ndzi ehleketa leswaku a va fanele kuva na ntlawu wun'we hi awara ya khume na yin'wana hi awara ya khume n'we, nchumayelo wun'we nakambe, ntirho lowu fanaka hi ku hetiseka, lakani leri fanaka ra phepha. Kambe loko va va ntshunxa, nakona a va va na (ndza tshembha) ntlhanu wa timinetse to va kereke hakunene yi va... A kuri hava munhu un'wana loyi a ta nghena kukondza va humela ehandle, kutani madiyakoni a ma pfula ndlela ivi kereke leyin'wana yi tatiwa. A vari na switulu leswi swa khale swa mabokisi, ma swi tiva, va nghena kukotisa sweswo, ivi va tshama emabenceni laha mi pfulaka rivanti. Fexini ya xikhale, yi yimile kwalahaya ku ringana—ku ringana kwalomu ka madzana mbirhi ya malembe, ndza tshembha, kereke ya Marble yi yimile.

¹⁵³ Nakona a mi tava mi twile na nereta yi wa kun'wana na kun'wana ekereni yaleyo, na swona un'wana na un'wana a ri karhi a khongela ku ringana kwalomu ka makume nharhu wa timinetse loko noti yo sungula yi nga se chayiwa eka ogene, manghenele. Wa vona? Na swona un'wana na un'wana a ri karhi a khongela. Ndzi ehleketele, “Hilaha leswi swi nga saseka hakona!” Kutani loko ministara luya... Manghenele lawaya, kwalomu ka... Ndzi ehleketa leswaku va tlangile manghenele yan'we ku ringana kwalomu ka nharhu ku ya eka ntlhanu wa timinetse, *Hilaha U Nga Nkulukumba Hakona*, kumbe swin'wana swo kota sweswo, kuya emahlweni kukotisa sweswo. Kutani loko va swi endlile, un'wana na un'wana u yimile ku khongela, a ri karhi a yingisela manghenele. Wa vona, swi nyikile ku cinca, ku suka eka xikhongelo kuya eka manghenele. Kutani loko va tava va swi tlangile sweswo, kutani murhangeri wa khwayere u fambisile khwayere. Kutani va vile na risimu ra nhlengeletano *na* khwayere. Kutani a va lunghekile kuva na dyondzo ya xikolo xa Sonto. Wa vona? Kutani—kutani loko swi herile, a ku vanga na nchumu lowu ngaya emahlweni handle ka

vugandzeri bya Matimba, nkarhi hinkwawo, nakona sweswo hi leswi hi yelaka swona lahayā.

¹⁵⁴ Na swona ndzi ehleketa leswaku ku ngava nchumu wa kahle loko kereke ya hina . . . Nakona ndzo swi vula ntsena leswi, hina, se i khale, hi swi endla. Wa vona? A hi swi endleni. Loko munhu un'wana a endla swin'wana na swin'wana, na ku vula, leswaku, "Ndzi ehleketa leswaku ku ngava nchumu wa kahle." Loko kuri ku i nchumu wa kahle, kutani a hi wu endleni. Wa vona? A hi lavi ku susa nchumu wa kahle, hi ta wu endla, hambi swi ri tano. Wa vona? Nakona mi ya emahlweni na—na ku yima le henhla nakona—nakona loko va sungula ni mixo, kumbe swin'wana swo kota sweswo, vanhu va ri karhi va endzela, ntsena pfumelelani munhu un'wana, kumbe un'wana wa e—un'wana wa madiyakoni, kumbe munhu un'wana a ya kwalahaya kutani a ku, "Swi endliwile nawu etabernakeleni lahayā . . ."

¹⁵⁵ A ndzi tivi loko va swi endla, va ngava—ngava va swi endla. A ndzi kali ndzi va kona lahayā, ma swi vona, a ndzi swi tivi. A ndzi kali ndzi va kona lahayā loko swikhongelo swi nga se sungula.

¹⁵⁶ Nakona loko va nghanile endzeni kutani va sungula ku vulavula, un'wana a yi le ehenhla kutani a ku, "Xi, xi, xi, yimani nyana." Wa vona? Pfumelelani e—pfumelelani e . . . Kumani sesi lontsongo, mi n'wi yisa le henhla kutani a tlanga vuyimbeleri lebyiya. Loko mi nga endli tano, byi hoxeni eka thepi kutani mi byi humesela le handle, wa vona, ka vuyimbeleri bya ogene. Kutani mi ku, "Sweswi hi le . . . Kuna nawu wuntshwa etabernakeleni. Loko vanhu va nghena lahayā, a hi fanelanga ku hlevetela, ku vulavula, kambe ku gandzela. Wa vona? Sweswi, ntsena eka timinetse tintsongo ntirho wu tava wuri karhi wu sungula. Ku fika nkarhi walowo, swa antswa mi hlaya Bibele ya n'wina kumbe mi korhamisa tinhloko ta n'wina na ku khongela ku ngari na huwa." Kutani minkarhi yi ngari yingani kukotisa sweswo, va ta dyondza hinkwawo. Wa vona? Wa vona?

¹⁵⁷ Mi twa munhu un'wana a ri karhi a vulavula, kutani loko swi fika eka, endzhaku ka nkarhi nyana kukotisa sweswo, endzhaku ka nkarhi mi fika eka ndhawu leyi munhu un'wana, a hi nge, mi vona munhu un'wana a ri karhi a vulavula, ku ngari na un'wana a vulavulaka, ma swi vona, hi swona, kutani un'wana wa madiyakoni a ya le henhla kutani a ku, "Hi—hi lava leswaku mi gandzela hi nkarhi wa ntirho." Ma swi vona? Wa vona? Wa vona, a hi yindlu yo vulavulela kona, i yindlu yo gandzelela kona. Ma swi twisia xana?

Ndzi ehleketa leswaku sweswo a kuri swona. **Ndzi kombela u hlamusela . . . Ina.** A hi voneni. Ina. **Ndzi kombela u hlamusela hilaha ku . . . madiyakoni ma faneleke ku . . . exivandleni xo kwetsima.** Ina, hi sweswo ntsena. Hi swona sweswo. Sweswo hi swona.

Swi lulamile, sweswi, hi lexi xo hetelela.

235. Makwerhu Branham, loko hi vile na minkateko eku sunguleni ka xikhongelo...Ndzi—ndzi...swivile-... Ee,...hi vile na swivilelo...

Swi tsariwile swi va swintsongo ngopfu. Nakona ku “**vile na swivilelo**,” a hi swona? [Makwerhu Billy Paul a ku, “Ahaa,” kutani a ya emahlweni a pfuna Makwerhu Branham ku hlaya leswi nga tsariwa swi nga swintsongo—Muhleri.]

...ku **vile na swivilelo eku sunguleni ka ntirho**. Hi na...A hi voneni. **Hi—hi—hi na tinsimu, vumbhoni, na swikhongelo, na swikombelo swa xikhongelo, vuyimbeleri byo hlawuleka, na k-u...kumbexani ku swi kuma...** hi nghena eka hungu hi awara ya khume n’we, ku... kumbe endzhaku, kambe a hi na nkarhi wo ringanelwa Rito. Vanhu van’wana a va kumi ku rhula na swona va boheka ku famba ri—ri nga se fika, i...loko—loko ri nga se hela. Swi... Ndzi kombela u hlamusela leswaku i tinsimu tingani, nakona xana hungu ri fanele ku sungula hi nkarhi muni. Nakona wun’wana—nkarhi wun’wana hi va na swikombelo swa xikhongelo—xikhongelo nakona swi hetelela eka nhlengeletano ya vumbhoni, swilo swin’wana leswi—leswi swi nga...leswi swi nga tikombiki swi ri kahle hi nkarhi walowo.

¹⁵⁸ Sweswi, ndzi tshembha leswaku ndzi swi kumile sweswo. Billy u le ku ringetenka ku ndzi pfuna lahwani. Ehenhleni ka thepi, mi kumeka... munhu un’wana enhlengeletanwini, eka xikhongelo, loyi a yingiseleke leswaku leswi a ku ri yini, i Billy a ringetaka ku ndzi pfuna ku swi hlaya hikuva swi tsariwile ngopfu, swinene ngopfu, nakona a ndzi nga koti ku swi humesela ehandle. Ndzi kumile mavonele ya ntoloveloo, hi wona, leswaku, “Xana i tinsimu tingani leti hi faneleke ku ti yimbelela ku nga se sungula ntirho, nakona xana ntirho wu fanele ku sungula hi nkarhi muni?”

¹⁵⁹ Sweswi, nchumu wo sungula ndzi lavaka ku wu endla i ku tivula. Kutani loko ndzi hoxile, ndzi lava ku amukela leswaku “Ndzi hoxile.” Wa vona? Kutani ndzi—kutani ndzi—ndzi ta tivula lahwani leswaku “Ndzi tani hi murhangeri wa sweswo.” Hikuva a kuri mina a ndzi khoma mintirho leyo leha na swin’wana, hi leswi nga fikisa kereke eka maendlele lawa, wa vona, ya ku endla tano, kambe a swi nga fanelanga kuva tano. Kutani sweswi, tsundzukani, ndzi na... Ndzi... Ndzi ri ku mi byeleni hinkwenu, “Sonto ni vusiku, loko Hosi yi swi rhandza, hi Sonto ni vusiku, leswaku, ndzi le ku ringetenka ku veka swikhongelo swa mina ku sukela sweswi kuya emahlweni, loko kuri ku ndzi fanele ku tshama vhiki ro engetelela, kuya kwalomu ka makume nharhu kumbe makume mune wa timinetse loko ti lehile eka swikhongelo swa mina.”

¹⁶⁰ Hikuva ndzi kumile leswi, leswaku xikhongelo lexi nga... Xi yimela ehenhla, na swona hungu ri nyikiwa hi matimba; loko u lehisa ngopfu, u karharisa vanhu nakona a va ha swi kumi. Xivangelo xova ndzi nyikile... A ndzi swi tiva sweswo nkarhi lowu hinkwawo. Wa vona? Swivilavuri leswi nga humelela ngopfu hi lava hakunene va nga... Yesu a ri Wanuna wa marito mantsongo, langutisani minchumayelo ya Yena. Langutisani minchumayelo ya Paul. Hi Siku ra Pentekosta, kumbexani swi n'wi tekerile khume ntlhanu wa timinetse, nakona u bile e...lahaya, nchumu wun'wana lowu—lowu—lowu nga rhumela magidi manharhu ya mimoya eka Mfumo wa Xikwembu. Wa vona, ntsena ku kongomana na mhaka. Wa vona?

¹⁶¹ Nakona ndzi—ndzi na nandzu. Hikuva, xivangelo xova ndzi endlile leswi, ku ngari hikuva a ndzi nga tivi ku hambana, kambe ndzi le ku endleni ka tithepi, wa vona, nakona tithepi leti ti ta tlangiwa etindlwini eka tiawara endzhaku ka tiawara endzhaku ka tiawara. Kambe tani hilaha mi nga ta swi kuma, eka Sonto lowu taka, xivangelo xo va ndzi swi endlile, eka Sonto lowu taka, xivangelo xo va ndzi endlile swilo leswi... Ndzi nga ha swi vula kona kwala ka thepi. Xivangelo xo va ndzi endlile leswi i mhaka ya ntiko lowukulu lowu nga ehenhla ka mina wa Hungu ra awara leyi, ku Ri humesela ehandle. Sweswi Hungu ri le handle, sweswi ndzi teka makume nharhu wa timinetse kumbe swin'wana swo kota sweswo, endzhaku ka masungulo ya lembe, etinhlengeletanweni ta mina le handle e... hinkwako laha ndzi yaka kona, na ku ringeta na hambi kuri ku seta wachi ya mina eka makume nharhu wa timinetse, kumbe ku ngari ehenhla ka makume mune loko ti tele ngopfu; ndzi ba kuya eka Hungu rero, kutani ndzi endla ku vitanela e altarini loko ndzi... kumbe hambi ku ngava yini leswi ndzi nga ta swi endla, kumbe ku vitana layini ya xikhongelo; na ku ka ndzi nga teki nkarhi wotala swonghasi, hikuva u karharisa vanhu. Ndza swi tiva sweswo.

¹⁶² Kambe langutisani laha. Ndza tshembha, elembeni, a hi vanga na vanhu lava nga tlakuka ivi va huma va famba, na swona nkarhi wun'wana ndzi va khomeleta kwala ku ringana tiawara timbirhi na tinharhu. Wa vona? Hi swona sweswo. Hikuva a kuri ku endla tithepi leti ti fambaka misava hinkwayo, wa vona. Kutani vanhu le handle, va ta tshama tiawara to hlaya na ku yingisela Sweswo; tiministara, na van'wana, Jarimani, Switzerland, Afrika, Asia, na hinkwako-nkwako, wa vona, va yingisele Sweswo.

¹⁶³ Kambe, wa vona, hikokwalaho ka xivandla xo kwetsima, hikokwalaho ka kereke... Nakona sweswo swi lulamile. Loko mi ri kona mi ri karhi mi endla thepi, na swona mi ri na thepi ya tiawara timbirhi, hoxani hungu ra tiawara timbirhi eka yona; kambe loko mi ngari ku endleni ka thepi ya swin'wana swo kota sweswo, kutani tsemani hungu ra hina, wa vona, tsemani hungu ra hina ri koma. Ndzi ta mi byela leswaku hikokwalaho ka yini,

kuna van'wana va tala hi ku olova, van'wana va hlwela ku tala, wa vona, kukotisa sweswo, kutani u fanele kuva eka xikarhi xo tsaka exikarhi ka sweswo.

¹⁶⁴ Kutani sweswi, i minkarhi yo tala laha hi onhaka swikhongelo swa hina hikokwalaho ka nhlengeletano ya vumbhoni byo lehisawa, leswi ndzi swi tivaka leswaku ndzi na nandzu hi ku swi endla. Nakona ma huma loko mi toloverile kuva na tinhlengeletano ta le xitarateni, kutani mi pfumelela boti wa khale a yima le handle, na swona u ta yimela ehandle... Kutani mi n'wi kombela ku nyikela rito ra xikhongelo, nakona u ta khongeleta meyara wa doroba, na mufambisi wa tiko, na Presidente wa Yunyon, na—na munhu wihi na wihi wo tani hi sweswo, na vafundhisi hinkwavo ka hinkwako, ma swi tiva, un'wana na un'wana hi nomboro, na Sesi Jones loyi a nga exibedlele, na swilo swo tani hi sweswo; na vanhu va yimile, va ri karhi va hundza kwalahaya xitarateni, ntsena va, vaya—ntsena vaya emahlweni na ku famba. Wa vona? U lo va karharissa. Ntsena hi, hambi swi ri tano...

¹⁶⁵ Wa vona, mhaka nkulu sweswi, xikhongelo xa n'wina xi fanele kuva exihundleni, xa n'wina xa xiviri, xikhongelo xo leha. Khongelani hinkwaro... Nghanani ekamareni ya xihundla, mi pfala rivanti. Kwalano hi laha mi lavaka ku khongela siku hinkwaro, vusiku hinkwabyo, kumbe tiawara timbirhi, mi khongela kwalahaya. Kambe lahawani, laha mi nga na rinoko ra vanhu, komisani xikhongelo xa n'wina, mi hatlisa, eka xona. Endlani ntirho wa n'wina hinkwawo... Kutani mi veka nkarhi wo tala wa xikhongelo xa n'wina eka Rito rero. Yaleyo hi yona mhaka nkulu! Banani Rito rero hi matimba hilaha mi nga kotaka hakona, wa vona, mi fikisa Rito eka vanhu.

¹⁶⁶ Sweswi, hi lexi xiringanyeto xa mina. Sweswi, sweswi tsundzukani, ndzi tivurile leswaku ndzi na nandzu wa ku rhangela leswi kuya emahlweni. Kambe hambi swi ri tano ndzi mi byerile kuri hikokwalaho ka yini ndzi swi rhangerile kuya emahlweni, ndzi le ku endleni ka tithepi ta tiawara timbirhi kuva ti rhumeriwa entsungeni wa malwandle na hinkwako-nkwako, ta Hungu, ma swi vona. Kambe kereke a yi fanelanga ku xaxamela na sweswo (hungu ra kwala tabernakeleni) endzhaku ka tithepi (tiawara timbirhi) kuva tiya etindhawini, wa vona, na kuya ehandle kukotisa sweswo.

¹⁶⁷ Sweswi, laha hi leswi ntshamiseko wa n'wina... Mi nge ndzi mi nyika xikombiso. Xana sweswo swi tava swi lulamile, xiringanyeto? Ndzi nga vula leswaku kereke yi fanele ku pfula mavanti ya yona hi nkarhi wo karhi, yi pfumelela nhlengeletano yi nghena endzeni, tinsimu a tivi ti ri karhi ti tlanga. Nakona un'wana na un'wana a nghaneli ku gandzela, ku ngari ku endzela. Na swona mi nga va pfumeleli ku endzela endzhaku ka swona, mi va byela ku "Ntshuxekani kutani mi humela ehandle, ku ngari ku endzela. Loko mi lava ku endzela, kuna nchumu

hinkwawo ehandle. Kambe lexi i xivandla xo kwetsima, a xi tshami xi basile." Sweswi, loko Moya wa Hosi wu ri karhi wu tirha lahawani, a hi wu hlayiseni wu ri Moya wa Hosi. Wa vona? Nakona—nakona Wu taya emahlweni na ku famba-famba. Loko mi nga swi endli, ntsena funghani marito ya mina, yi ya ekuweni; hakunene yi ta wa. Nakona a hi yi hlayiseni, i ntirho wa hina, hi xona xivangelo xova hi ri kwala vusiku lebyi. Ntsena hlayisani nchumu lowu wu xaxamerile na leyi—na leyi mintshamiseko.

¹⁶⁸ Sweswi langutisani, ndzi nga vula leswi. Hi ntoloveloo, handle ka loko hi ri karhi hi nyikela...na ku va byela leswaku mi ya eku thepeni ka hungu. Wa vona? Sweswi, loko kuri ku Makwerhu Neville u na hungu lahawani leri a nga taya...u na hungu leri a lavaka ku ri humesela ehandle eka vanhu, ehandle eka tithepi, kumbe swin'wana, mi nge, "Sweswi, hi vusiku bya Sonto lowu landzelaka hi ya eku thepeni ka thepi ya tiawara timbirhi," thepi ya tiawara tinhарhu, kumbe tihi—kumbe tihi tin'wana. "Hi ya eku nyikeni ka thepi ya tiawara timbirhi kumbe tinhарhu" kumbe hambi ku ngava tihi leti nga vaka tona, "vusiku bya Sonto lowu landzelaka." Kutani vanhu va ta swi tiva. Kutani loko va nghena endzeni, mi ku, "Sweswi, hi ya eku thepeni ka hungu vusiku lebyi. Na swona ndzi na hungu lahawani leri nga rona leri ndzi lavaka leswaku ri thepiwa na ku rhumeriwa ehandle. A ndzi ri...Ndzi twa ndzi fambisiwa ku rhumela hungu leri ehandle. Nakona ri ya eku thepiweni, ri ngava ri ri tiawara timbirhi, tiawara tinhарhu, hambi ku ngava yini." Vulani sweswo.

¹⁶⁹ Kambe, hi ntoloveloo, ntsena tani hilaha ndzi endlaka hakona loko ndzi ya endhawini yo tani hi yin'wana ya tinhlengeletano ta Vavanuna va Mabindzu, kumbe ndzi ri ehandle etinhlengeletanwini ta mina le handle eka layini ya xikhongelo. Loko kuri ku a ndzi yima kwalahaya ivi ndzi nyika hungu ra tiawara tinhарhu ra ni vusiku ku nga se va na xikhongelo xo horisa, ma ku vona laha swi ndzi vekaka kona-ke? Wa vona? Hikokwalaho ka yini, vanhu, hi vusiku lebyi landzelaka nhlengeletano ya wena yiva hafu eka leswi a yi ri xiswona. Wa vona? Hikuva va ngaka va nga swi koti, va fanele kuya emintirhweni na hinkwaswo.

¹⁷⁰ Ndzi ta ringanyeta leswi, leswaku hi ntoloveloo... Sweswi, ndzi langutisile Makwerhu Neville vusiku bya tolo loko a chumayela. Sweswi, ndza swi tiva leswaku hinkwerhu ha swi tiva leswaku leriya a kuri hungu ro hlamarisa. Ndzi kopile tinotsi eka yena, ndzi na tona exikhwameni xa mina, ku ya ti tirhisa eka mahungu yan'wana ya mina n'winyi. Hi swona sweswo. *Ndlela yo Baleka*, wa vona, nakona rero a kuri hungu ro saseka. Ma swi vona hilaha a nga hatlisa a hundzisa sweswo hakona? Wa vona, kwalomu ka makume nharhu-ntlhanu wa timinetse, wa vona, kutani a—a ri hetile. Wa vona? Sweswi, sweswo a swi ri kahle. Sweswi, na swona Makwerhu Neville, hi ntoloveloo mahungu ya yena ya kotisa sweswo. Wa vona, a ya lehanga ngopfu. Wa vona?

Kambe laha u dlayaka nhlengeletano ya wena hi le ka swilo hinkwaswo leswiya swi humeseriweke ehandle u nga se fika ka swona. Wa vona?

¹⁷¹ Sweswi, nakona—nakona laha u endlaka sweswo... Sweswi, ndza swi tiva, kutani sweswi langutisani, a ndzi—ndzi vuli sweswo hi ku tsan'wa, eka n'wina mathirasti, kumbe madiyakoni, kumbe—kumbe mufundhisi, kambe ndzi ntsena ndzo mi byela: vonani leswi nga Ntiyiso, nakona leswi hi leswi swi faneleke kuva swona. Sweswi, mi... Xana swi endliwa hi yini? Sweswi, munhu un'wana na un'wana, n'wina hinkwenu, va ntumbuluko lowunene, hinkwenu ka n'wina mi vavanuna va ntumbuluko lowunene. Loko a swi ngari tano, a ndzi ta ku, "Hinkwavo handle ka Makwerhu *Swingere-ngere*, a nga na ntumbuluko lowunene, hinkwerhu hi le ku n'wi khongeeleni." Kambe n'wina—n'wina mi na ntumbuluko lowunene, nakona ma lehisa timbilu, ma olova, vavanuna va muxaka wo miyela. Sweswo swi kahle, kambe mi nga nyenyeli hi sweswo.

¹⁷² Yesu a ri na ntumbuluko lowunene, na yena, kambe loko ku fika nkarhi wo vula swilo, "Ku tsariwile, 'Yindlu ya Tata wa mina yi endleriwe kuva yindlu ya xikhongelo,' kasi n'wina mi yi endla bako ra makhamba." Wa vona? Wa vona, A—A wu tiva nkarhi wo vulavula na wo ka wu ngari wo vulavula. Sweswo—sweswo—sweswo hi leswi hi faneleke ku swi endla. Wa vona? A kuri hava, a ku se tshama kuva na munhu wo kotisa Yesu, A ri Xikwembu. Nakona tsundzukani, U tlhele a... Ku vulavula hi kuva mudiyakoni ekerekeni, U—U tekile vulawuri! U lukile ximoko, nakona A nga yimelanga ku va humesa hi malwandla, U va bile va humela ehandle, wa vona, tani hi yindlu ya Xikwembu. Nakona A tlanga xiphemu xa mudiyakoni, tani hi xikombiso eka n'wina mudiyakoni. Wa vona, A ri Xikombiso xa n'wina. "Kutani sweswi, ku—ku tsariwile, 'Yindlu ya Tata wa mina yi endleriwe kuva yindlu ya xikhongelo.'" Sweswi, tsundzukani, Yesu a ri Mudiyakoni hi nkarhi walowo, ma swi tiva sweswo, Yesu a teka xiphemu xa mudiyakoni.

¹⁷³ Loko A ta eka xiphemu xa mufundhisi, xana U te yini? "N'wina Vafarisi vo fe mahlo, vafambisi va lavo fe mahlo!" Wa vona, A ri karhi a teka xiphemu xa mufundhisi, hi nkarhi walowo.

¹⁷⁴ Kutani loko A va byela leswi a swi ya eku humeleleni, A teka xiphemu xa muprofeta. Wa vona?

¹⁷⁵ Nakona loko va koxile leswaku ku fanelekuva na xibalo lexi faneleke ku hakeriwa, U tekile xiphemu xa muthirasti, "Petro, rhelela u ya hoxa xinjovo enambyeni, kutani hlampfi yo sungula leyi u nga ta yi khoma yi na xingwexe enon'weni wa yona. Va hakeli, wa vona, u hakela swikweleti swa wena." A ku, eka hina, "Nyikani Kezara leswi nga swa Kezara, na Xikwembu leswi nga swa Xikwembu."

¹⁷⁶ A ri havumbirhi Mufundhisi, Muprofeta, Muthirasti, na Mudiyakoni. Hakunene a ri tano! Swingaleswi ma swi vona leswi A nga swi endla, sweswo a swi ve xikombiso xa n'wina endlwini kwala eTabernakeleni leyi ya Branham, leswaku hi lava kuva yindlu leyi A nga ta xiximeka ha yona eka hinkwaswo, hofisi yin'wana na yin'wana, ndhawu yin'wana na yin'wana, leswaku ku ngavi na ku tekela endzhaku. Kuva na ku olova, na ku tsokombela, na vunene, kambe ntsena ku lulama na layini, munhu un'wana na un'wana a ri entirhwени wa yena. Wa vona? Yaleylo hi yona ndlela, hi yona ndlela leyi A swi lavisaka xiswona. A nga kalanga a sola. Loko ku fika nkarhi wo vula, ku vula leswaku *yini* a kuri *yini*, U swi vurile. Loko ku fika nkarhi wo kombisa ku olova, kutani U kombisile ku olova. A ri wo olova, wa vunene, wo twisia; kambe a tiyle, nakona hinkwaswo a swi lulamile ku fika eka thonsi ha Yena, nakona U endlile sweswo tani hi xikombiso eka n'wina. Sweswi, Moya lowo Kwetsima wa ha ku ndzi nyika sweswo. Swingaleswi a ndzi kalanga ndzi ehleketa hi mayelana na sweswo, kuva Yena a ri Mudiyakoni, eku sunguleni, kambe A ri yena. Wa vona? U—U tirhile tani hi mudiyakoni, nkarhi luwa.

¹⁷⁷ Sweswi, ndzi nga vula leswi, a hi nge loko xikhongelo xa n'wina xi sungula hi hafu ku bile awara ya nkombo, loko walowo wuri nkarhi wa kona, pfulani kereke ya n'wina hi hafu ya awara swi nga se fika, hi awara ya nkombo. Mutlangi wa piyano a... Byelani mutlangi wa ogene... Xana ma n'wi hakela? Hinkweni ma n'wi hakela mutlangi wa ogene-ke? Xana wa hakeriwa, kumbe mutlangi wa piyano? U swi endla hi ku swi tsakela? N'wi kombeleni hi ku olova. Hambi loko a lava ku hakeriwa eka swona, ku n'wi nyika swin'wana hikokwalaho ka swona, n'wi byeleni leswaku hi n'wi lava hafu ya awara ku nga se sungula ntirho. Kutani loko a ku, "Hi swona, a ndzi nge swi koti," kumbe swin'wana, xivilelo, kutani n'wi tiseni lahawani a ta endla thepi ya vuyimbeleri byo tsokombela bya ogene. Ma swi vona? Kutani mi pfumelela... mi hoxa sweswo eka... A nga boheki kuva lahawani nkarhi hinkwawo, mi rhiya thepi ya n'wina. Wa vona? Mi pfumelela un'wana wa madiyakoni, muthirasti, kumbe yaloyi a pfulaka rivanti, mulanguteri, a yi tlhandleka lahaya, a pfulela thepi, kutani yi va yi ri karhi yi tlanga loko vanhu va ri karhi va ta. Wa vona? Hikuva loko madiyakoni ma ngari kona, kumbe munhu un'wana, pfumelelani, muthirasti kumbe munhu un'wana a va kona kuva a swi endla, kutani a va yi tlangi ku ringana hafu ya awara.

¹⁷⁸ Kambe khwatsi hi hafu ku bile awara ya nkombo, a ku rile nsimbhi leyi nga ehenhla ka muako. Wa vona? Ma ha ri na yona nsimbhi ya n'wina le handle? Ina. Swi lulamile, a ku rile nsimbhi ya n'wina hi hafu ku bile awara ya nkombo, nakona sweswo swi vula leswaku a hi nga ha yi ehenhla na le hansi eka kereke na ku qhavulana hi mavoko na va Jones na hinkwavo

ka vona. Muyimbelerisi wa tinsimu a vi entirhweni! Loko ku ngari na muyimbelerisi wa tinsimu kwalahaya, madiyakoni a ma voni leswaku kuna . . . kumbe e . . . ku vona leswaku kuna munhu un'wana a nga ta sungula ku yimbelerisa tinsimu loko nsimbhi yi rila. "Pfulani tibuku ta n'wina ta tinsimu, nomboro *swingere-ngere*." Wa vona? A swi ve khwatsi eka thonsi hi—hi hafu ku bile awara ya nkombo.

¹⁷⁹ Swi lulamile, kutani mi va na risimu ra nhlengeletano, kutani kumbexani risimu ra vumbirhi ra nhlengelatano, kutani mi va na un'wana loyi ku nga khale a vuriwile, loko mi swi kota, ku ta rhangela hi xikhongelo. Pfumelelani e—e mufundhis, kumbe, hambi . . . Hi swona, mufundhis a nga fanelanga kuva kona, e—e muyimbelerisi wa tinsimu u fanele ku endla sweswo. I Makwerhu Capps, ndza ehleketa. Wa vona, u ta swi tiva leswi a nga fanela ku swi endla, a ve—a ve na un'wana loyi a nga vuriwa . . . kumbe swa antswa a rhangela hi xikhongelo hi yexe. Endlani leswaku nhlengeletano yi yima hi xikhongelo, wa vona, ku yima ntsena, kutani un'wana a rhangela hi xikhongelo. Sweswi, loko mi nga langutisi . . .

¹⁸⁰ Sweswi, hi pfumela leswaku munhu un'wana na un'wana u fanele ku ta endlwini ya Xikwembu na ku khongela, yaleyo i—i ndhawu yo khongela ka yona. Kambe loko mi ri eka xivandala xexo xo kwetsima, hlaysani nkarhi wa n'wina. Wa vona? Mi va vitana hinkwavo ku rhendzeleka na altari, mi ta kuma leswaku ku tava na un'wana loyi a nga tava kwalahaya ku ringana khume ntlhanu, makume mbirhi wa timinetse; nkarhi wa n'wina hinkwavo wu herile.

¹⁸¹ Sweswo i swa n'wina, wa vona, vukhongelelo bya n'wina byi le kaya. Yesu u te, "Loko mi khongela, mi nga yimi kukotisa hilaha vasandzi va endlaka hakona, nakona—nakona xo leha . . . mi endla xikhongelo xo leha, kutani mi vula *leswi*, *sweswo*, kumbe *leswin'wana*, na—na hinkwaswo swo kota sweswo hikokwalaho ko tikombisa." Wa vona? U te, "Loko mi khongela . . . ku khongela, nghenani ekamareni, kamara ya le xihundleni, mi pfala rivanti endzhaku ka n'wina; mi khongela Tata wa n'wina loyi a vonaka exihundleni, U ta hlamlula erivaleni." Sweswi, yaleyo i ndlela yo va na xikhongelo xa xihundla, sweswo hi leswi A nga swivula leswaku mi swi endla.

¹⁸² Kambe loko n'wina, munhu un'wana, loko va nghena endzeni, pfumelelani muyimbelerisi wa tinsimu, a ku, "Swi lulamile . . ." Endzhaku ka risimu ro sungula, kutani a kuve na un'wana a nga ta khongela, hambi ku ngava mani, ntsena xikhongelo xo koma. U nga yimi kutani u khongelela vafumi hinkwavo, na swin'wana swo kota sweswo. Loko kuri na swikombelo swo karhi, swi tiviseni, swi rhumeleni endzeni, mi endla leswaku swi rhumeriwa endzeni. Swi tsalen, mi ku, "Lahawani." "Eka vusiku lebyi, hi kuva na xikhongelo, hi tsundzuka Sesi *Swingere-ngere*, Makwerhu *Swingere-ngere*

exibedlele, *Swingere-ngere*, na *Swingere-ngere*, na *Swingere-ngere*. Va tsundzukeni eswikhongelweni swa n'wina loko mi khongela. Makwerhu Jones, xana u nga hi rhangela hi xikhongelo. A hi yimeni.” Wa vona? A swi andlariwe eka platifomo. Va byeleni, endlani leswaku va swi tolovela sweswo, “Loko mi ri na xikombelo xa xikhongelo, xi tlhandlekeni *lahawani*, [Makwerhu Branham a gongondza ehenhla ka phuluphiti—Muhleri.] ehenhla *lahawani*.” Mi ngavi mi ri karhi mi vulavula, “Xana i mani loyi a nga na xikombelo sweswi, xana u nga xi tivisa hi ku...” Kutani, nchumu wo sungula, munhu un’wana u ta yima ivi a ku, “Ku kwetsima akuve eka Xikwembu!” Ma swi tiva, kutani a sungurisa sweswo, nakona nchumu wo sungula lowu mi wu tivaka, i hafu ya awara a nga se tshama ehansi nkarhi wun’wana. Wa vona?

¹⁸³ Hi na vutihlamuleri hi kereke leyi, ku ngari tin’wana; lebyi i vutihlamuleri bya hina eka Xikwembu. Tihofisi leti i vutihlamuleri bya n’wina eka Xikwembu. Wa vona? Xivangelo xova ndzi ri ku swi vuleni vusiku lebyi, ku mi byela leswi hinkwaswo, hikokwalaho kova kuri vutihlamuleri bya mina eka Xikwembu; i vutihlamuleri bya n’wina: Byi endleni. Wa vona?

¹⁸⁴ Sweswi, kutani loko nchumu wo tani hi walowo... a kuve na munhu un’wana a rhangelaka hi xikhongelo, kutani loko a swi endla, sweswo swi kahle, a rhangeli hi xikhongelo, kutani a tshama ehansi.

¹⁸⁵ Kutani loko mi ri na swo hlawuleka... Sweswi, a ndzi nga ta swi vula leswi, a ndzi nga ta longoloka... Kutani loko mani na mani a lava ku yimbelela swo hlawuleka, swi tiviseni ekerekeni. Va byeleni leswaku “Swin’wana na swin’wana swo hlawuleka, kumbe xin’wana na xin’wana lexi lavaka ku yimbeleriwa, a va voni muyimbelerisi wa tinsimu loko kereke yi nga se sungula.” Kutani mi va na xona... Mi ku, “Hi swona, ndzi khomeli boti, ndzi nga tsakela... kunene ndzi tsakela ku swi endla, kambe ndzi—ndzi na swa mina swo hlawuleka vusiku lebyi. Kumbexani loko u ndzi byela leswaku u tava kona hi vusiku byo karhi, ndzi ta ku vekela swona eka nonganoko. Wa vona, ndzi kumile nonganoko wa mina wu tsariwile lahawani.”

¹⁸⁶ Pfumelelani—pfumelelani Makwerhu Capps kumbe yaloyi a yimbelerisaka tinsimu... Kutani mi va na muyimbelerisi wa tinsimu, swi ngari na mhaka leswaku i mani. Nakona mi nga n’wi pfumeleli a yima kutani a ku, kumbe ku ya emahlweni ingaku hi yena muchumayeri, wa vona. A yime kwalahaya ivi a yimbelerisa tinsimu, walowo hi wona ntirho wa vona.

¹⁸⁷ I ntirho wa mufundhisi ku chumayela, wa vona, ku ngari ku yimbelerisa tinsimu. A nga fanelanga ku yimbelerisa tinsimu, muyimbelerisi wa tinsimu u yimbelerisa tinsimu. U na vutihlamuleri, nakona u fanele ku humela ehandle a tengile ehansi ka ntoto wa Moya lowo Kwetsima, ku suka ehofisini

lahaya, kun'wana, loko ku fika nkarhi. A nga kali a boheka na kuva eka platifomo, leswi i kuya emahlweni. A tshami ehofisini le ndzhaku, wa vona, kumbe endzhaku lahawani, kumbe kwihi na kwihi laha yi nga kona, xitirhisiwa xo vulavulela lahawani xi ta swi nghenisa, wa vona, loko kuri nkarhi. Loko a twa lero hetelela . . . loko kuri na swo hlawuleka, tani hi rin'we, timbirhi, kumbe swin'wana, eka risimu ra n'wina ra vunharhu. Wa vona?

¹⁸⁸ Sweswo mi vile na tinsimu timbirhi ta nhlengeletano, xikhongelo, minyikelo ya n'wina loko kuri mi ta yi teka. Nakona munhu un'wana na un'wana a va entirhwени wa yena. A ku, "Swi lulamile, loko ha ha yimbelela risimu lero hetelela, sweswi, loko tiaxara ti swi kota, a ti te emahlweni eka minyikelo ya ni madyambu." Wa vona? Kutani loko va ha hetisa ku yimbelela risimu rero, hi leti tiaxara ti yimeke lahawani. A ku, "Swi lulamile, sweswi hi tava na xikhongelo, nakona hi ku nyikela xikhongelo, hi lava ku tsundzuka *Swingere-ngere* lahawani, na *Swingere-ngere*," u hlaya sweswo, ma swi tiva, kukotisa sweswo, kukotisa sweswo. "Swi lulamile, un'wana na un'wana a yime. Makwerhu, xana u nga hi rhangela hi xikhongelo?" Kutani hinkwaswo swi herile.

¹⁸⁹ Kutani loko va hari karhi va yimbelela risimu leri ra vumbirhi, kumbe Leri mi nga vaka eku ri yimbeleleni, mi le, loko kuri ku tsakela, ku teka minyikelo ya n'wina, loko kuri ku mi ta teka minyikelo ya n'wina. Ri tshikeni . . . Ndzi nga teka risimu ra n'wina ro sungula, kutani mi va na minyikelo ya n'wina ya ni madyambu, kutani miya emahlweni na risimu ra n'wina ra vumbirhi, kutani kuya emahlweni hi rona. Kutani pfumelelani risimu ra n'wina ro hetelela lahawani, pfumelelani risimu ra n'wina ro hetelela, wa vona, ri va ku vitaniwa ka mufundhisi. Kutaku loko risimu lero hetelela ri yimbeleriwile, ogene ya n'wina a yi sungule hi manghenele ya n'wina—n'wina—n'wina, mufundhisi wa n'wina a humelela. Wa vona, hinkwaswo swi le ka ntshamiseko. Un'wana na un'wana u miyerile. A kuna xin'wana lexi nga ta vuriwa. Mudiyakoni un'wana na un'wana u le ntirhweni wa yena. Mufundhisi a yima lahaya.

¹⁹⁰ U humela ehandle, a xeweta vayingiseri va yena, a hundzulukela eBukwini ya yena kutani a ku, "Vusiku lebyi, hi hlaya ku suka eBibeleni." Wa vona, endzhaku ka loko a yi pfurile, "Hi hlaya ku suka eBibeleni." Na swona i nchumu wa kahle nkarhi wun'wana loko u ku, "Hi ku xixima Rito ra Xikwembu, a hi yimeni hi milenge ya hina loko ha ha hlaya Rito." Wa vona, kutani u hlaya, "Vusiku lebyi, ndzi hlaya ku suka eka Buku ya Tipisalema," kumbe hambi ku ngava kuri yini. Kumbexani swa antswa u pfumelela munhu un'wana a yi hlaya, muyimbelerisi wa tinsimu, kumbe mupfuneti, munhu un'wana loyi a nga na wena kwalahaya, n'wi pfumelei a yi hlaya, hambi ku ngava mani; laha swi nga vaka swo tlurisa loko u yi hlaya hi wexe, loko u swi kota. Kutani u yi hlaya kukotisa sweswo, kutani u

teka tsalwa ra wena. Wa vona? Hi nkarhi walowo wo tano, mi tirhisile kwalomu ka makume nharhu wa timinetse, hi kona ku nga tava kuri awara ya nhungu.

¹⁹¹ Kutani ku suka hi awara ya nhungu kuya kwalomu ka kotara ku nga se ba awara ya nkaye, kun'wana exikarhi ka makume nharhu na makume mune-ntlhanu wa timinetse, andlala Rito lerija kwalahaya ntsena tani hilaha Moya lowo Kwetsima wu ku nyikaka rona hakona, wa vona, ntsena kukotisa sweswo, ntsena ri veki kwalahaya hi tindlela leti Wu vulaka leswaku u endla hakona, wa vona, ehansi ka ntoto.

¹⁹² Kutani u endla ku vitanelu ka wena ka le altarini, u ku, "Loko kuri na un'wana kwala kerekene leyi loyi a nga tsakelaka ku amukela Kreste tani hi Muponisi, hi le ku mi kombeleni, hi mi rhamba kuta e altarini xikan'we-kan'we, ntsena mi yima hi milenge ya n'wina." Wa vona?

¹⁹³ Kutani loko—kutani loko ku nga yimi munhu, u ku, "Xana ku ngava kuri na un'wana lahawani loyi a nga muyimela ku langwa wa nkhuvulo, loyi ku nga khale a hundzukile, nakona a lava ku khuvuriwa endzeni ka mati eku rivaleriweni ka swidyoho? Loko a navela kuta, hi ku nyika nkateko sweswi. Xana u nga ta loko ogene yi ri karhi yi tlanga?" Ma swi vona?

¹⁹⁴ Loko ku nga ti munhu, kutani u ku, "Xana lahawani ku nga va kuri na loyi a nga... loyi a nga se amukelaka Nkhuvulo wa Moya lowo Kwetsima nakona a nga lavaka ku endla tano vusiku lebyi, a nga ta lava kuva hi n'wi khongelela?" Hi swona, kumbexani un'wana a ta, kutani a kuve na vambirhi kumbe vanharhu va n'wi tlhandlekaka mavoko, va n'wi khongelela. N'wi rhumeli endzhaku eka yin'wana ya tikamara, munhu un'wana a ri na yena kwalahaya, u va lerisa kun'wana hilaha va nga ta vuya hakona na nkhuvulo wa Moya lowo Kwetsima. Nhlengeletano hinkwayo yi ri ekule na vona.

¹⁹⁵ Loko un'wana a ta ku tava... a lava ku amukela Kreste nakona a yimile kwalahaya altarini kuva a khongeleriwa, endla ya wena... va pfumeleli va khongela. Kutani loko va swi endla, ntsena u nge, "Korhamisani tinhloko ta n'wina sweswi, hiya eka khongeleni." Kutani u ku, "Xana wa pfumela?"

¹⁹⁶ Loko kuri na xilo xihi na xihi lexintsongo lexi nga hlwerisaka nhlengeletano hi ndlela yihi na yihi, va rhumeli ekamareni yo khongelela kona, kutani u ya kwalahaya na vona, kumbe u rhumela munhu un'wana a famba na vona kwalahaya. Kutani u pfumelela nhlengeletano kuya emahlweni, wa vona, kukotisa sweswo, u va u nga va khomeletanga na swintsongo. Wa vona?

¹⁹⁷ Kutani loko... ku nga seva... Eka e—eka tintsongo... kutani loko va, a hi nge, loko ku nga ti munhu, kutani u ku, "Xana ku ngava kuri na un'wana loyi a nga tsakelaka ku totiwa

hi mafurha vusiku lebyi, hikokwalaho ka vuvabyi bya vona-ke?
Hi khongelela vavabyi lahawani.”

¹⁹⁸ “Hi swona, ndzi nga tsakela ku ku vona exihundleni, Makwerhu Neville.”

“Hi swona, u ndzi vona ehofisini. U vonana na un’wana wa madiyakoni, va ta swi yisa ehenhla, wa vona.” “Nakona ndzi na swin’wana ndzi nga ta tsakela ku swi vula ka wena, Makwerhu.”

“Hi swona, un’wana wa madiyakoni lahawani u ta ku komba ehofisini, kutani hi ta... Ndzi ta ku vona xikan’we-kan’we endzhaku ka ntirho.”

¹⁹⁹ “Sweswi, loko ha ha ta yima hi ya ntshuxiwa.” Wa vona, kutani a mi vanga ehenhla ka awara kumbe makume mune-ntlhanu wa timinetse eka nchumu hinkwawo. Wa vona? Wa vona, awara na makume nharhu wa timinetse, xikhongelo xa n’wina xi herile. U vile na lokuntsongo, ku ba ka xihatla; u—u ku nyika leswi ku nga swi endla; u endlile e... nakona munhu un’wana na un’wana u enetekile, na kuya ekaya a ri karhi a titwa kahle. Wa vona? Loko u nga swi endla, kutani, ma swi vona, loko u pfumelela... Wa vona, u—u—u vula swa kahle, wa vona, kambe vona...

²⁰⁰ Ma swi tiva, leswi swi endla kwalomu ka makume nharhu-nharhu wa malembe eka platifomo leyi eka mina, makume nharhu-nharhu wa malembe, na misava hinkwayo. U dyondze swin’wana swintsongo hi nkarhi walowo wo tano, hakunene. Wa vona? Loko u nga swi endla, swa antswa u tshika. Swingaleswi, wa vona, ndzi kumile leswi. Sweswi, loko u ri karhi u tirhana na Vakwetsimi lavanene hinkwako-nkwako, wanuna, u nga ha tshama vusiku hinkwabyo loko kuri ku a wu swi lava. Kambe u le... Wa vona, a wu tirhani na vona khwatsi, u le ku ringeten i ka ku phasa lava nga ehandle lahawani. Hi lavawani lava u nga ku va phaseni, u fanele ku tirha ensin’wini ya vona. Wa vona? Nakona u nga... Va tisi lahawani kutani u pfumelela Rito ri ta, kutani, wa vona, ku hava nchumu lowu nga ta vileriwa. Loko kuri na xin’wana na xin’wana lexi va nga lavaka ku ku vona mayelana na xona, hi swona, swi kahle, va teki u va yisa ehofisini kukotisa sweswo, kambe u nga khomeleti nhlengeletano.

²⁰¹ Kutani, ma swi tiva, vanhu va ta yima va ku, “Hi swona, ndza ku byela, a hi veni na nhlengeletano ya kahle ya vumbboni.” Wa vona? A ndzi vuli vasandzi vokarhi eka leswi, ndzi vula ntsena ku mi byela Ntiyiso. Ndzi vula ku mi byela Ntiyiso. Wa vona? Ndzi kumile tinhlenegetano ta vumbboni to tala... ti—ti endla swotala swo biha nkarhi wun’wana ku tlula swa kahle. Wa vona, hakunene ta swi endla.

²⁰² Sweswi, loko munhu un’wana a ngava na vumbboni byo nyanyula hi nkarhi wa mpfuxelelo, ma swi tiva, mi ri na mpfuxelelo lowu yaka emahlwени, ma swi tiva, nhlengeletano, nakona munhu un’wana a ponisiwa nakona a lava ku vula

swin'wana, hi swona, a ku katekisiwe Xikwembu, n'wi pfumeleleni a rhula moya wa yena. Ma swi vona? Loko a-loko a lava ku-loko a lava ku endla sweswo, wa vona, ntsena hi nkarhi wa mpfuxelelo, a ku, "Ndzo lava ku vula leswaku, 'Ndzi khensa Hosi eka leswi Yi nga ndzi endlela swona.' Yi ndzi ponisile aka vhiki leri nga hundza, na swona mbilu ya mina ya pfurha hi ku kwetsima ka Xikwembu. A ku khensiwe Xikwembu," a tshama ehansi. Amen! Sweswo swi kahle, yanani emahlwени. Wa vona, sweswo swi lulamile.

²⁰³ Kambe loko u ku, "Sweswi a hi yeni. Xana ku landzela mani? Xana ku landzela mani? Sweswi a hi tweni rito, a hi tweni rito ra vumbhoni." Sweswi, loko mi ri na nhlengeletano leyi nga vekiwa etlhelo, vusiku byo karhi eka sweswo, wa vona, mi ya eku: "Vusiku lebyi... vusiku bya Ravunharhu leri taka, ematshan'wini ya nhlengeletano ya xikhongelo, ku tava nhlengeletano ya vumbhoni. Hi lava leswaku hinkwenu mi ta, nakona ku tava nhlengeletano ya vumbhoni." Kutani loko va ta e-e ndhawini ku ta nyika vumbhoni, hlayani Rito, mi va na xikhongelo, kutani mi ku, "Sweswi, hi tivisile leswaku lebyi i vusiku bya vumbhoni." Swingaleswi pfumelelani vanhu va nyika vumbhoni eka awara yaleyo kumbe makume mune-ntlhanu wa timinetse, kumbe makume nharhu wa timinetse, kumbe hambi ku ngava yini, kutani-kutani mi ya emahlwени kukotisa sweswo. Ma swi vona leswi ndzi swi vulaka? Nakona ndzi ehleketa leswaku swi ta pfuna nhlengeletano ya n'wina, swi ta pfuna hinkwaswo, xikan'we-kan'we, loko mi swi endla hi ndlela yaleyo.

²⁰⁴ Sweswi, ku le... Ndzi le ku hlweleni, swingaleswi... Vamakwerhu—vamakwerhu, lebyi i vutivi bya mina byo antswa ku tlurisa. Ndzi vona leswi nga etimbilwini ta n'wina, lebyi i vutivi bya mina byo antswa ku tlurisa eka swivutiso leswi mi nga swi vutisa. Sweswi, ku sukela sweswi kuya emahlwени ma swi tiva. Nakona loko swo tshuka swi va emiehlekeweni ya n'wina, tanani eka thepi. Kombelani leswaku... Yingiselani thepi. Loko kuri ku i swa madiyakoni, mathirasti, kambe hambi ku ngava yini, a ku tlangiwe thepi. A yi tlangeriwe nhlengeletano le handle loko va lava ku yi twa. Swi lulamile. Kutani byebyo i—byebyo i vutivi bya mina byo antswa ku tlurisa eka ku rhandza ka Xikwembu eka tabernakele leyi lahwani e Eighth na Penn Street, nakona yaleyo i ndlela leyi ndzi lerisaka n'wina vaboti ku endla leswi ehansi ka vurhangeri bya Moya lowo Kwetsima, hi vunene hinkwabyo na rirhandzu, mi ri karhi mi kombisa tintswalo ta n'wina emahlweni ka vanhu leswaku mi Vakreste. Nakona Mukreste a swi vuli xihlangi lexi nga susumeteriwaka kun'wana na kun'wana, sweswo swi vula "wanuna loyi a taleke hi rirhandzu, kambe hambi swi ri tano, ntsena ku tala hi rirhandzu ra Xikwembu kukotisa hilaha a nga xiswona eka nhlengeletano." Ma swi vona leswi ndzi swi vulaka?

²⁰⁵ Xana kuna xivutiso? Thepi yi le kusuhi na ku hela lahwani, na swona ndzi na un'wana a nga ndzi yimela lahaya. Xana i nkarhi muni lowu a fanele kuva lahaya? [Billy Paul a hlamlula, "Kona sweswi."—Muhleri.] Kona sweswi. U ta hi yexe? [Billy Paul a hlamlula, "Ndzi taya ndzi ya n'wi teka."] Swi lulamile. Swi lulamile, nkulukumba.

²⁰⁶ Sweswi, ndza swi tiva leswaku hi ya eku humeni sweswi loko kuri ku a ka hari—a ka hari na rito rin'wana. Hee? Sweswi, loko swi ngari tano, a hi ntshuxiweni. Ina. Ina, Makwerhu Collins? [Makwerhu Collins a ku, "Swi nga antswa loko tithepi to timiwa."—Muhleri.] Swi lulamile. [Xivati lexi nga riki na nchumu eka thepi.]

²⁰⁷ Hi swona, vamakwerhu, ndzi khensile kuva laha na n'wina vusiku lebyi, na Makwerhu Neville, na le ka madiyakoni, na mathirasti, na mulanguteri wa xikolo xa Sonto, hinkwenu ka n'wina. Hi tshembha leswaku Hosi yi ta mi pfuna ku tiva ku endla mintshamiseko leyi hikokwalaho ka Mfumo wa Xikwembu. Xivangelo xova ndzi virule leswi hikokwalaho kova ndzi ehleketa leswaku mi kurile ku suka ka vana kuya ka vatswatsi. Loko ma hari vana, a mi vulavula ku fana na vana, na swona a mi twisisa ku fana na vana. Kambe sweswi mi vavanuna, swingaleswi a hi tikhomeni ku fana na vatswatsi endlwini ya Xikwembu, hi tikhoma, na ku xixima tihofisi ta hina, na ku xixima hofisi yin'wana na yin'wana. Nyiko yin'wana na yin'wana leyi Hosi yi nga hi nyika yona, a hi yi vekeni hi ntshamiseko, na ku xixima Xikwembu hi tinyiko ta hina na tihofisi ta hina.

A hi khongeleni.

²⁰⁸ Tatana la nga Matilweni, hi khensa Wena vusiku lebyi eka ku hlengeletana kun'we loku ka vavanuna lava va nga vekiwa etihofisini lahwani ku endla ntirho wa Hosi lowu nga ku endliweni kwala eJeffersonville ekerekenei leyi. Xikwembu, ingaku voko ra Wena ri ngava ehenhla ka vona, ingaku U nga va pfuna na ku va katekisa. Ingaku nhlengeletano na vanhu va nga twisisa na ku tiva leswaku leswi i ku antswisa Mfumo wa Xikwembu, leswaku hi ta hundzuka vavanuna va ku twisisa na ku tiva Moya wa Xikwembu, na ku tiva swo swi endla. Hi nyike swona, Tatana. Hi ntshuxe sweswi hi minkateko ya Wena, nakona Moya lowo Kwetsima a wu hi hlayisi na ku hi letela, na ku hi hlayisa, nakona ingaku hi nga kumeka hi ri karhi hi tshembheka hi masiku entirhwени. Hi Vito ra Yesu Kreste, ndza khongela. Amen.



Ntshamiseko Wa Kereke TSO63-1226
(Church Order)

Hungu leri hi Makwerhu William Marrion Branham ri sungurile ri hangalasiwa hi Xinghezi hi Ravumune ni madyambu, N'wendzamhala 26, 1963, eka nhlengeletano ya ximfumo ya bodo ya eTabernakeleni ya Branham eJeffersonville, Indiana, U.S.A. ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org